

GRATIS

AWE Mainta

e corant di Toko

Your address for the best software and support.

VCC

International NV

- ✓ Accounting Software
- ✓ Payroll Software
- ✓ Document Management
- ✓ HRM / CRM Software

M-Files



Exact
Software



Commence
Relationship Management

Tel.: 583-7072 | info@vcc-int.com | www.vcc-int.com



CANDELA FERROZ NA EX PAPIAMENTO RESTAURANT

RECOMPENSA !!

A ser horta na Seroe Blanco, Regent's Park.
E ladronnan a logra hiba varios articulonan
y joyas cu Balor sentimental. Un apelacion ta
bay na cualkier persona cu por sa algo cu
lo conduci na recuperacion di e joyasnan y
otro articulonan.

Lo tin recompensa grandi. Please tuma contacto cu
Sra. Ilienne Mansur na celular 5922494 of
7333111, of departamento di recherche.



AYERA merdia a surgi un candela bastante grandi den edificio ex Papiamento Restaurant por cierto un edificio monumental situa na Wilheminastraat. Huma preto a plama den henter Playa y for di un distancia basta leu esaki por a wordo mira loke cu a hala atencion di bastante mirones. Brandweer a logra domina e candela

despues cu polis a cera e cayanan cu ta duna acceso na e edificio pasobra tabata teme cu e lo por cay den otro. Por a compronde cu algun choller cu ta frecuenta e edificio aki lo a cende un corchon na candela. Tanto DTI como tambe DOW a yega na e sitio pa tuma nota di e dafio cu e candela lo a causa na e edificio aki.

Rene Herd 

Raport di CFT ta incompleto y MEP ta gaña atrobe

Ata e preuba aki!!!

MEP a laga sa cu e raport di CFT ta confirma cu MEP a hiba un bon maneho financiero. Como prueba MEP ta cita e raport di CFT cu a scirbi cu den a a 2008 tabatin un surplus riba presupuesto y cu e a a despues ya caba esaki a bira un deficit grandi.

Cu esey MEP kier crea e impresion cu CFT ta papia berdad y cu Gobierno di MEP lo a goberna bon, segun drs. Rene Herde.

E berdad ta totalmente diferente. E expertonan di CFT a scoge pa usa cifra di un a a so -2008- di e relato economico anual di Banco Central di Aruba.

Den e relato di Banco Central ta muestra cu e balans riba presupuestonan pa a anan largo tin un Deficit Halto! (Riba e grafico aki bou por wak esaki hopi cla.) E relato di Banco Central y e grafico

ta muestra cu durante di e periodo di Gobierno di MEP tur a a for di 2005 tin deficitnan grandi.

E unico a a, esun net prome cu eleccion, diripiente Gobierno di MEP tabatin un surplus. Pero e a a despues, manera e cifranan di Banco Central ta muestra y

cu CFT mes ta menciona, e deficit tabata enorme.

Loke MEP a lubida ta cu ta Gobierno di MEP mes a goberna henter a a 2009! Ta apenas na fin di e a a 2009, dia 30 di october 2009, Gobierno di AVP a drenta


Gobierno.

Kier men cu ta henter e a a 2009 tabata di Gobierno di MEP. No di AVP !!!

E deficit enorme di 2009 tambe tabata e trabou di Gobierno di MEP. Anto esey ta sin menciona e desempleo cu a subi te pa 10.4%, e cantidad di compania cu a sera, e centronan di nos ciudad den decadencia, welganen di trahadornan cu tabata existi nan pago y problemanan social tur caminda, segun drs. Rene Herde.

E conclusion cu mester saca di e declaracion di lider di MEP y di e raport di CFT ta: E raport di CFT riba e punto aki tambe ta incompleto.

E declaracion di MEP cu Gobierno di MEP a goberna bon ta otro ga amento flagrante di MEP. Wake grafico aki bou. Esaki t'e prueba cu MEP atrobe ta purba ga a pubelo!



ATIA ta para pa locual ta corecto y responsabel

DEN e ultimo simannan aki Aruba ta pasando den un di su pio crisisnan constitutional cu ta afectando tur sector di nos pais incluyendo comercio cu t'e ader principal di nos economia.

E situacion actual no ta duna espacio pa traha, crece, emplea of tuma ningun clase di riesgo, mirando e incertidumbre cu division y fanatismo ta trece cune. Actualmente nos ta discutiendo 'rond' di e problema financiero y no riba e reto cu nos ta wordo confronta cu ne: Esta e contenido di e presupuesto 2014 y e quick scan, y e posibel consecuencianan financiero pa nos tur aki na Aruba. Na palabra ATIA den un comunicado di prensa.

Tene locual ta cumbini Aruba como e guia pa tur decision

Lagando e discusion netamente politico, emocional y sumamente dividi aki un banda, ta importante pa comercio y Aruba sali for di bou di tur e huma di incertidumbre aki mas pronto cu ta posibel.

Comercio ta haci un suplica atrobe, mescos cu nan a haci caba den un carta combina cu gremionan sindical y comercial a manda pa gobernantenan local y pa gobernantenan Hulandes, pa tene locual ta cumbini Aruba como e guia pa tur decision y asina evita un disaster economico.

Downgrading dor di Fitch Ratings ta pone un presion adicional

Ademas di tur locual Aruba ta pasando aden, e "downgrading" di Aruba pa BBB- awe ta pone un presion adicional riba nos gobernantenan y solucionnan pa nos finanza publico. Esaki ta haci prestamo riba mercado internacional aun mas dificil (cu interesnan mas halto) y lo dificulta e posibilidad di Gobierno pa paga su debenan bek.

Importante ta pa nos cuminsa duna debido atencion na reforma nos sistema di impuesto berdaderamente y cuminsa na flexibilisa nos mercado laboral p'asina economia por bay draai mas eficiente.

Tambe nos no por laga afo reformanan necesario pa por haci nos aparato gubernamental pagabel, eficiente y duradero.

ATIA su contribucion

Durante e ultimo simannan ATIA a haci hopi esfuerso pa intermedia y yuda yega na un solucion riba e impasse entre Hulanda y Aruba, cu tur su consecuencianan.

Mayoria biaha e esfuersonan aki no ta sali den prensa. ATIA ta trahando ultimo a anan hopi duro pa establece un bon relacion cu nos partners tanto den e sector comercial, sindical, politico y cu Gobierno mes.

Sali critica pafo den prensa no ta yuda e situacion y no ta locual nos di ATIA ta para pe. Sintu na mesa nos ta

discuti y bini na posibel solucionnan.

Den e momento aki, ATIA ta para pa bienestar di Aruba, pa decisionnan cu lo mester mehora nos finanza publico sin masacra e pueblo trahador y comercio.

Tuma decisionnan racional

Ta tempo pa cu mentenan frieu, cu emocionnan bou di control, refleha y sifa di e situacion pa asina evita di pasa den e situacion incomodo aki atrobe.

Nos mester tuma decisionnan racional cu ta na favor di nos pais. Comercio mester depende riba un Gobierno cu ta cumpli cu su obligacionnan, cu ta crea un ambiente di tranquilidad, cu ta re-establece confianza economico/financiero y un Gobierno cu ta percura pa nos finanza publico ta realistico, pagabel y responsabel, cumpliendo asina cu seguridad di nos futuro generacion.

ATIA ta spera di por aporta na discusionnan sano encuan to finanza publico p'asina bin cu sugerencia, solucionnan duradero cu no ta solamente na bienestar di Gobierno, pero sigur tambe gremionan comercial y sindical.

Nos ta hopi interesa pa participa n'e preparacionnan di presupuesto 2015 y bin cu solucionnan a corto, medio y largo plaso. ATIA lo sigui trata na trece e puntonan cu comercio mester di dje pa por funciona optimal.

Sin ainda su carta credencial ta aproba

Riba peticion di Husticia Mericano a laga detene, Hugo Carvajal Barrios futuro Consul di Venezuela

Venezuela ta pidi pa lague den libertad inmediato

SIN ainda Ministerio di Relacion Exterior Hulandes a aproba e carta credencial pa ex-General, ex Hefe di Servicio di Inteligencia Militar (DIM), Hugo Armando Carvajal Barrios, (El Pollo) asumi funcion di Consul General na Aruba, a keda deteni, riba peticion di Husticia Mericano, cu peticion di wordo extradita.

Hugo Armando Carvajal Barrios, un persona masha ayega na Hugo Chavez Frias, t'e persona cu Gobierno Bolivariana di Venezuela, via Presidente Nicolas Maduro a apunta na principio aña como Consul General di nan pais na Aruba, ta deteni pa autoridad local, pero cu te ainda no a haya acreditacion pa fungi como diplomatico na nos pais. For di dia cu su nomber a keda menciona, tabata conoci cu autoridad di Husticia Mericano ta busk'e y a ser adverti p'esaki tambe. Pero asina mes, a dicidi di bin Aruba, y unabes na Aruba, a bay over na su detencion.

E detencion a tuma lugar diarazon anochi, riba peticion di Gobierno Mericano. Como tal awor State Department tin 60 dia pa formalisa e peticion pa extradicion, cu Corte di Husticia lo analisa y tuma decision pa cumpli cu peticion di Husticia Mericano.

E diplomatico ta na Aruba pendiente aprobacion di su carta credencial pa Gobierno di Reino Hulandes p'e por asumi su funcion como Consul General di Venezuela na Aruba.

E hecho cu Consejo di Reino Hulandes no a aproba e postulacion di e diplomatico pa forma parti di Cuerpo Consular di Aruba, probablemente pa motibo cu e tin ante-cedentenan cu ta haci e proceso aki dificil.

E diplomatico di Gobierno Venezolano den pasado a traha den Servicio di Inteligencia di Servicio Militar di Venezuela (DIM).

Ta ser bisa cu el a laga mata hopi hende

y tambe tabata meti den traficacion di droga, hunto cu e grupo revolucionario Colombiano, FARC. Y como tal for di basta tempo caba Husticia Mericano ta su tras.

Gobierno Mericano a haci un peticion oficial na Procurador General di Aruba pa haci e detencion y extradita e Venezolano pa Merca.

Esaki no ta bay di e facil manera ta kere, pasobra Hugo Carvajal Barrios tin un pasaporte diplomatico di Venezuela, aunke cu e no ta den funcion diplomatico riba nos isla. Como tale no por goza di inmunidad diplomatico, manera hopi lo kere.

Banda di esaki, e detencion aki lo por fomenta un problema diplomatico entre Gobierno di Venezuela y Gobierno di Reino Hulandes y Aruba. Nan ta den contacto constantemente cu Gobierno di Aruba, pidiendo pa laga nan diplomatico liber inmediatamente.

Di otro banda, autoridad di Aruba a cumpli cu peticion oficial di Merca, esta di a detene e diplomatico sospechoso, pendiente su extradicion.

E procedura a inicia mesora pa su extradicion pa Merca, dunando e oportunidad pa protesta contra e procedura aki den Corte.

Ayer a caba El Pollo a presenta dilanti di Fiscal di Ministerio Publico y den curso di awe tardi 3 or e lo presenta dilanti di un Huez, den Corte, cu lo tende su reaccion.

E hecho cu e sospechoso lo por gosa di cierto inmunidad dor di su status diplomatico, lo por duna un buelta diferente den e procedura penal aki.

Pero manera nos a ser informa dor di Ministerio Publico, debi cu El Pollo, Carvajal Barrios no ta den funcion diplomatico ainda, e no tin ningun clase di inmunidad.

Si t'asina cu e ta haya asistencia di Consulado Venezolano na Aruba, unda nan a brind'e abogado caba.

Extraoficialmente nos a haya informacion, cu maske ayera tabata un dia feriado na Venezuela, ya pa 7 or di mainta a baha un avioneta di Gobierno Venezolano cu un Minister di Gabinete di Presidente Nicolas Maduro, kende a bula cu urgencia Aruba, pa determina ki paso nan tin cu tuma, pa evita extradicion di un compatriota.

REACCION

Gobierno di República Bolivariana di Venezuela ta rechaza enérgicamente e detención ilegal y arbitrario di e funcionario diplomático Venezolano, Hugo Armando Carvajal Barrios. Asina Ministerio del Poder Popular para Relacion Exterior a bisa den un comunicado manda, calificando e detencion como ilegal.

Dicho Ministerio ta bisa cu e persona deteni ta carga un pasaporte diplomatico; y cu Hugo Armando Carvajal Barrios, ta na Aruba pa asumi su encargo di Consul General, manera Gobierno di Venezuela a pidi'e pa haci.

Pero awor autoridadnan Hulandes, staciona na Aruba a dicidi di actua violando norma internacional vigente, en particular, e Tratado di Viena pa loka ta relacionnan diplomatico di, reconoci tambe pa ambos Gobierno.

For di momento cu a bira conoci cu tabatin un detencion, cu Gobierno Venezolano a califica di ilegal, Gobierno di República Bolivariana di Venezuela, atrabés di su Cancillería, a activa tur su mecanismo diplomático pa corigí e violación grave aki di Derecho Internacional y ta prestando e debido asistencia consular pa su funcionario

diplomático.

República Bolivariana di Venezuela a haci un yamado firme na Gobierno di Reino Hulandes, pa rectifica e hecho inhusto y improcedente, y pa autoridad di Aruba procede pa laga e funcionario diplomático Venezolano, Hugo Carvajal den libertad inmediato.

Di e forma aki lo evita un accion cu por deteriora e relacionnan diplomatico, pero tambe e relacionnan economico, energetic y comercial cu Venezuela tin cu Aruba, lo wordo kibra. Te aki e reaccion di Departamento di Relacion Exterior di Venezuela.

Mientrastanto na Venezuela, Presidente Nicolaas Maduro a laga sa caba, si t'asina ta trata un miembro di Cuerpo Diplomático, cu su Gobierno lo no manda crudo (?) mas pa Aruba.

Nos tin cu bisa cu si tin crudo ta wordo manda Aruba, ta pa almacena esaki pa Venezuela, pero e no ta ningun contribucion economico pa nos pais.



Minister saliente Juan David Yrausquin den su ultimo presentacion den Parlamento

Ahaci apelacion pa Parlamento completo para hunto contra actitud di Hulanda

DIAMARS tardi Juan David Yrausquin a hiba su ultimo discurso den Parlamento como Minister di Finanza, unda el a splica henter e situacion cu a surgi entre Aruba y Hulanda, cual situacion el a cataloga como secuestro di e presupuesto di pais Aruba.

Su enfoke na inicio di su discurso ta cu Gobierno no por compronde cu Gobernador (lesa Gobierno di Hulanda) no ta firma e presupuesto di Aruba mientras cu di otro banda Gobernador ta bisa di lo firma un ley di apoderacion, aproba door di Parlamento, pa haci prestamo pa realisa pago di debe y interesnan. Su asombro ta pasobra ley ta bisa cu loke por wordo presta mester ta manera esun di e ultimo presupuesto (2013). Esaki siendo e presupuesto di 2014 ta menos cu esun di 2013. Pues si Gobernador ta dispuesto pa firma pa un suma mashalto cu presupuesto di

2014. Yrausquin a splica tambe cu ela premira e situacion cu lo bay surgi cu Hulanda, pa cual el a ordena su hefenan di Finanza y Tesorero di Pais Aruba pa haci preparacion pa Aruba por cumpli cu su obligacionnan pa dos luna, si por si acaso surgi diferencia di opinion cu Aruba y Hulanda. Pesey e por bisa cu, mientras e discusionnan ta andando, pais ainda por cumpli cu su obligacionnan pa dos luna, pa cual el a manda palabra di gradicimento na e funcionari- onan di Gobierno cu a haci tur e ehercicionan necesario.

Di otro banda el a trece dilanti cu loke a bin ta sosodiendo ta intolerabel y inaceptabel pa un pais autonomo, pasobra no por permiti cu Gobierno di Hulanda kier dicidi kico ta wordo haci na Aruba, of kier obliga e Gobierno di Gabinete Mike Eman II bay en contra di e mandato cu a haya for di electorado menos cu un aña pasa.

Pesey tambe el a haci un apelacion fuerte na tur partido politico, pa pone pensamentonan politico contrario un banda, y uni pa como un Parlamento manda un solo mensahe pa Hulanda, cu no ta acepta pa Gobierno di Hulanda mete den Aruba su asuntonan, un derecho cu Aruba a logra despues di lucha di e.o. fundador y ex lider di e partido mas grandi di oposicion, esta MEP.

Su colega ing. Mike de Meza a haci un apelacion, recordando con e politiconan di siglo pasa a para pa Aruba. "Historia lo splica e generacionnan cu ta bin unda boso a para pa autonomia di Aruba," ta un punto cu el a trece dilanti den su discurso. E reunion di Parlamento di di- aranson atardi tabata pa trata e ley di apoderacion pa fianza cu Gobernador a bisa di lo firma pa Aruba por cumpli cu su obligacionnan, te ora cu e presupuesto 2014 wordo firma.



Prome Minister Mike Eman a firma decreto di retiro di Yrausquin como Minister



DIARANSON anochi despues cu Parlamento a aproba e "noodwet" pa Gobierno haci prestamo, despues cu Gobernador no a firma presupuesto 2014, Prome Minister Mike Eman a firma e landsbesluit pa haci e retiro di Juan David Yrausquin official, Esaki a tuma

luga den presencia di esposa y yiunan di Yrausquin.

Na mesun momento a firma e Landsbesluit pa Minister Ing. Mike de Meza keda encarga temporalmente cu Asuntonan di Finanza y Reorganisacion di Gobierno di inmediato.



Juffrouw di Skol acusa di

Traficacion di droga y labamento di placa laga den libertad

SIN mester a warda riba su veredicto, cu ta e proximo dianan, ayera Ministerio Publico

a informa Manon R., juffrouw di skol cu despues di a sinta 14 luna di castigo, a ser laga den

libertad.

Manon R. tabata acusa di traficacion di droga, haciendo uso

di su cas pa prepara esnan cu ta hiba bolita Hulanda y tambe a keda acusa di labamento di

placa.

Algun dia pasa, cu caso a keda trata, unda a pidi varios aña di castigo, pero ayera sorprendentemente a dicidi di laga den libertad.

Corte a haya cu debi el a sinta 14 luna caba, y ta pa prome biaha cu Manon a haya su mes den un situacion asina, sperando cu el a siña su les, a dicidi di laga den libertad.

Departamento di Asunto Economico, Comercio y Industria ta informa tocante permiso pa establece negoshi na Aruba

DEPARTAMENTO di Asunto Economico, Comercio y Industria (DEZHI) ta atende entre otro permiso pa Establecimiento di Negoshi (Vestigingsverordening Bedrijven). Negoshi por wordo haci den diferente forma, di cual erunnan mas usual ta Negoshi Propio (Benmanszaak), Sociedad Colectivo (V.O.F.), Sociedad Anonimo (N.V.) y Sociedad Responsabilidad Limita (V.B.A.) Personanan naci na Aruba, mayor di 18 aña y di nacionalidad Hulandes, igual cu personanan cu a naturalisa Hulandes aki na Aruba y cu tin 18 aña of mas di edad, no mester di permiso pa establece un Negoshi Propio of fungi como partner den un Sociedad Colectivo, tampoco ga fungi como director di un Sociedad Huridico (N.V., V.B.A., A.V.V.). Pa tur otro caso permiso ta rekeri. Ademas permiso ta rekeri pa e.o. muda un negoshi, amplia of cambia actividadnan comercial y sucursal di un Sociedad Huridico. Fuera di e Ordenansa Nacional pa Establecimiento di Negoshi, tur negoshi tin obligacion pa registra na Camara di Comercio. Pa facilita e control riba cumplimiento di e ley en cuestion, tur comerciante ta wordo pidi pa tin na tur momento, den e establecimiento correspondiente, e original of copia di e permiso(nan) necesario y/of un extracto di registracion na Camara di Comercio (no mas bieu cu 3 luna). E documentonan menciona mester wordo musta na e ambientanar di Departamento di Asunto Economico unda e control ta tuma luga.

FIND NEW ROADS™

2014 CHEVROLET CRUZE®

CHEVROLET



INSTEAD OF GOING ON VACATION,
YOU SHOULD CRUZE FOR THE SUMMER



2014 SUMMER SPECIAL **AWG 39,800**
BBO EXCLUDED

STANDARD EQUIPMENT

1.8 L MFI DOHC gasoline engine
Transmission 6 speed automatic
Alarm factory installed
Immobilization system
Airbags driver and passenger
Power brakes with ABS
Disc brakes 4 wheels
Stability control

Ride control
Air-conditioning
Power locks
Power mirrors
Power steering with tilt function
Power windows with express down
Aluminum rims 17 inch
Full size spare tire

Remote release for fuel lid and trunk
Audio system w/ CD, MP3 player, WMA, USB, iPod, bluetooth and 6 speakers
Remote audio controls
Driver's information center
Cruise control
Halogen headlamps
Fog lamps front

EXTERIOR COLORS

Switchblade Silver, Gunsmoke Gray, Carbon Flash Black, Mystic Moonlight Gray, Summit White
Mars Stone Blue, Red Velvet, Blue Sapphire, Satin Steel Gray, Espresso Brown



TANKI LEENDERT 122
TEL: 582-3838

WWW.STERNGM.COM
f CHEVROLET ARUBA

Cantidad di placa den circulacion a baha

Di acuerdo cu resumen di e relato mensual di mei 2014

BANCO Central di Aruba (BCA) ta conclui den su Relato Mensual di mei 2014 cu e cantidad di placa den circulacion a mengua cu Afl. 57,1 miyon te na Afl. 3.407,0 miyon, relaciona cu un bahada di Afl. 55,5 miyon den e reserva di divisa netto (excluyendo diferencianan den revaluacion di oro y reservanan internacional) y un caida di Afl. 1,6 miyon den e activo domestico netto.

E caida di Afl. 55,5 miyon den e reserva di divisa ta debi primordialmente n'e transferencianan netto di companianan local cu ta raporta nan cuentanan den exterior.

E caida leve den e componente domestico di e cantidad di placa den circulaciona surgi for di un bahada di Afl. 10,5 miyon den credito domestico, mientras cu e transaccionnan no relata na credito a subi cu Afl. 8,9 miyon.

Credito domestico a mengua atribui na un caida di Afl. 3,9 miyon den e debe netto di sector publico n'e sector bancario y un bahada di Afl. 6,6 miyon di credito bancario n'e sector priva. E caida den e credito bancario n'e sector priva ta refleha un bahada den credito na empresa di Afl. 17,0 miyon (-1,3 por ciento), cu a wordo mitiga pa un subida den credito na consumidor y hipoteca pa vivienda di, respectivamente, Afl. 6,0 miyon (+1,0 por ciento) y Afl. 4,9 miyon (+0,5 por ciento).

E indice di prijs di consumo (CPI) di mei 2014 a registra un subida marginal di 0,3 por ciento compara cu e mesun luna di 2013.

E contribuyente principal n'e aumento aki t'e componente "Transport". Excluyendo e componentenan di cuminda y energia (cual parcialmente ta afecta

e componentenan vivienda y transporte), inflacion a keda mescos compara cu mei 2013. Pa loke ta trata e promedio anual di e tasa di inflacion, esaki tabata +1,0 por ciento na mei 2014.

Na mei 2014, e cantidad di turista a registra 78.087 bishitante, 7,3 por ciento (+5.341 bishitante) mas cu mei 2013.

E subida aki tabata principalmente e resultado di e crecimiento den e cantidad di turista for di Latino America y Norte America di, respectivamente, 3.618 bishitante (+23,6 por ciento) y 2.273 bishitante (+4,7 por ciento).

E aumento den e mercado Latino Americano ta asocia pa un gran parti na un crecimiento di 37,7 por ciento (+3.401 bishitante) den bishitante di Venezuela. E crecimiento den e mercado Norte Americano ta atribui principalmente pa un aumento di

bishitante di Merca (+2.149 bishitante of 4,7 por ciento).

E mercado Europeo a registra un caida di 143 bishitante (-2,4 por ciento) na mei 2014, compara cu mei 2013, debi na un bahada di 155 bishitante of 10,2 por ciento di Inglaterra y un caida di 134 bishitante of 4,1 por ciento di Hulanda.

E cantidad di turista crucero a baha cu 8.092 of 30,3 por ciento te na 34.780 na mei 2014, compara cu e mesun luna di e aña anterior.

E cantidad di barconan crucero a baha pa 13 na mei 2014, for di 16 na mei 2013.

Na mei 2014, entrada di Gobierno a suma Afl. 83,1 miyon, un caida di Afl. 19,6 miyon compara cu e mesun luna di e aña anterior.

E bahada aki ta debi na un caida di Afl. 20,7 miyon den entrada no relata na impuesto, cual a

wordo parcialmente mitiga pa un subida di Afl. 1,1 miyon den entrada di impuesto.

E reduccion den entrada no relata na impuesto ta debi principalmente na un entrada incidental di Afl. 25,0 miyon na mei 2013 relata n'e traspaso di erfpacht p'e proyecto di renobacion y expansion di e hospital. Excluyendo e entrada incidental anteriormente menciona, entrada di Gobierno ta muestra un aumento di Afl. 5,4 miyon, reflehando subidanan leve den entrada di impuesto riba ganashi (+Afl. 2,0 miyon), "grondbelasting" (+Afl. 1,3 miyon), impuesto riba divisa (+Afl. 0,9 miyon), impuesto riba otro servicionan (+0,9 miyon) y riba benta (BBO) (Afl. 0,4 miyon).

Di otro banda, entrada di impuesto riba mercancia a cay cu Afl. 2,4 miyon, reflehando un caida di Afl. 3,7 miyon den "invoerrechten".

Avenida Milo J. Croes # 118 - A
Tel: 5883948 Fax: 5883945



**Materiaal di betondekking pa
bashamento di concrete.
(afstandhouders di concrete y plastic)**

PINOCCHIO
Kerkstraat #16 - Tel: 582-2266

**Nos ta huur pa
tur evento**


**Stoel y
Mesa**



**Tents y
Hopi mas**



Kerkstraat 16 - Tel: 582-2266 - Cel: 564-1977



UTILITIES ARUBA N.V.

Aandeelhouders van N.V. ELMAR
RvC N.V. ELMAR
Directie N.V. ELMAR
PricewaterhouseCoopers

Geachte heren,

Met inachtneming van artikel 21 roep ik hierbij een Algemene Vergadering van Aandeelhouders bijeen ten Dr. Edward Cheung Center for Innovation, op vrijdag 01 augustus 2014 om 09:00 uur.

De agenda van deze vergadering luidt als volgt:

1. Opening
2. Goedkeuring notulen AVA van 10 februari 2014
3. Jaarrekening 2013
4. Decharge directeur
5. Rondvraag
6. Sluiting.

Nadere informatie omtrent de agenda ligt ter inzage ten kantore van Utilities Aruba N.V.

Hoogachtend,

Utilities Aruba N.V.
Dr. Franklin Hoevertsz.
Directeur.

Gobernador a bishita Minister Plenipotenciario

GOBERNADOR di Aruba S.E. sr. Fredis Refunjol a haci awe diahuebs 24 di juli un bishita oficial cerca Minister Plenipotenciario Alfonso Boekhoudt. Gobernador Refunjol a wordo acompaña pa director di Gabinete di Gobernador sr. Martijn Boelen y adjudante di Gobernador sr. Bas Stoker.

Sr. Boekhoudt a ricibi sr. Gobernador conhuntamente cu e personal di Gabinete di Minister Plenipotenciario. Gobernador di Aruba ta na Hulanda pa un bishita di trabao.



Busca e diferencia:



OTRO BANCONAN
Te cu Afl. 818 pa luna



RBC ROYAL BANK
Mas o menos Afl. 643 pa luna

Mesun auto, mesun prijs.

Pero cu RBC bo pagonan mensual ta mas abou!



Keda cu mas placa cash den bo cartera danki na RBC Royal Bank™ cu ta lagabo paga menos pa luna.

RBC Royal Bank te unico banco cu ta ofrecebo te cu 7 año di pago riba bo prestamo compara cu otro banconan cu ta bay te cu 5 of 6 año.

Ricibi ademá:

- › Interes competitivo di solamente 9% APR
- › E posibilidad di paga bo auto nobo te cu 7 año
- › Descuento atractivo riba bo seguro di auto te cu 30%
- › Tarheta di credito di US\$ 1000
- › Un RBC "Car Wash Kit"
- › Chens pa gana un GPS pa bo auto nobo

E auto cu tanto bo ta desea por ta di bo cu un tiki ayudo di RBC Royal Bank.

Pa mas informacion pasa libremente na un di nos branchnan of yama nos RBC Service Line na 588.01.01 of bishita nos website www.rbc.com/caribbean

E interes efectivo di prestamo pa auto despues di campaña ta bira 9.75% APR p.a. I ta obligatorio pa sera un seguro di auto na nomber di RBC Royal Bank (Aruba) N.V. (All Risk Insurance ta obligatorio pa e prome 4 añanan riba auto nobo. Gastonan di administracion ta equivalente na 1.50% di e balor di e prestamo cu'n minimo di Afl. 250. Risk Premium pa un solo aplicante ta equivalente na 2% di e balor di prestamo y 3% den caso di dos aplicante cu'n minimo di Afl. 100. Den caso di cancelacion mester paga un beet di 3 luna di interes adicional riba e balansa di e prestamo cu'n minimo di Afl. 500. I Solamente clientenan aproba bou di e promocion aki ta haya chens pa gana e premio di e prome año di seguro di auto paga te cu'n maximo di Afl. 3000. Empleadonan di RBC Royal Bank y su Advertising Agency no por forma parti di e sorteo aki. E calculacionnan ta basa riba prijs di un auto di Afl. 40,000 (excluyendo gastonan di administracion of riesgo). RBC Royal Bank (Aruba) N.V. ta reserva su derecho di aprobacion. I Condicionnan general to keda aplicabel. E oferta aki ta valido te dia 30 di September, 2014.

©/™ Trademark(s) of Royal Bank of Canada. Used under licence.



RBC Royal Bank

Polis cu control severo pa muchanan menor di edad cu ta trahando

NOORD—Relaciona cu informacion cu Polisnan a haya cu muchanan menor di edad ta trahando, Polis a bay diaranson 09.00, pa controla diferente supermarket, pa "kinderarbeid" Polisnan a controla entre otro He's Supermarket, Sunni Supermarket, Fungs Supermarkt, Yeng Li Supermarket, Tin Wei Supermarket.

E doñonan y representantenan a wordo poni na haltura riba prohibicion pa trabou di muchanan.

Number di e doñonan y tambe e representantenan a wordo tuma. Na Yeng Li, a haya e yiu muhe di e doño ta traha na caha. A resulta cu e mucha a haci 16 año.



AVP ta sigui ataca y lastra S.E. Gobernador di Aruba

MEP a vota CONTRA mocion cu atake nan baho contra Gobernador

PARLAMENTO a trata cu un urgencia nunca antes bisto e ley pa apodera gobierno hasi fianlanan mientras cu e presupuesto no ta cla. Un ley cu a wordo traha dos siman pasa, pero cu gobierno mes no kier a entrega na Parlamento. Yawor despues di un ora cu e ley a drenta, a core yama e reunion sin duna Parlamentarionan oportunidad pa prepara nan mes debidamente. Ademas cu varios parlamentario no ta na Aruba, manera presidente di Parlamento Marisol Lopez-Tromp, lider di MEP Evelyn Wever-Croes y parlamentario di MEP Xiomara Ruiz-Maduro.

Durante e reunion AVP su integrantes, tanto Minister como Parlamentario a ataca Gobernador na forma masha mahos atrobe. E atakenan contra Gobernador no ta para, y esey MEP ta condena. E ta mustra cu AVP no kier carga su responsabilidad, y ta keda culpa mitar mundo pero no ta realisa su propio error.

Durante e reunion e fraccion di AVP a entrega un mocion den cual nan ta culpa Gobernador di tur cos, algo cu MEP naturalmente no ta comparti y mester a vota CONTRA!

MEP a vota contra pasobra e mocion ta pidi pa exige respet



pa e "budgetrecht" di Staten y MEP ta di acuerdo cu esey pero den e consideracionnan di e mocion ta mustra cu segun AVP ta Gobernador no ta respeta budgetrecht di Staten y esey no ta corecto. Ta AVP mes ta viola e budgetrecht di Staten cada biah, y awe mes atrobe door di no duna Parlamentarionan oportunidad pa prepara nan

mes debidamente.

E mocion ta exige tambe respet pa autonomia di Aruba cual MEP ta para 100% su tras. Pero atrobe e consideracionnan ta bisa cu ta Gobernador a viola autonomia siendo cu tur hende sa cu ta Gobierno di AVP mes a entrega nos autonomia y no Gobernador. Pesey MEP a vota contra e mocion.

E ley pa apodera Gobierno pa fia placa mientras e presupuesto no ta cla tampoco a carga sosten di e fraccion geel pasobra e fianza aki ta basa riba e presupuesto 2014, un presupuesto cu no ta sirbi pa nada, y cu tur instancia a bari for di mesa, pesey MEP no por aproba pa ningun parti di e ley di presupuesto wordo

ehecuta.

Durante e reunion por a nota cu e parlamentarionan di AVP ta hopi hopi insegur, Nunca antes nan a comporta di e forma ey. Fraccion di MEP tabata hopi fuerte den argumentonan, mientras e parlamentarionan di AVP a briya cu falta di contenido.

Partido MEP a rindi homenahe na e victimanan di e tragedia aereo di Malaysian Airlines

PARTIDO MEP a rindi homenahe na e victimanan di e tragedia aereo di Malaysian Airlines di diahuebs ultimo. Miembronan di partido MEP a bishita VNO pa firma e registro di condolencia. E texto cu a compaña e firmanan ta bisa cu MEP ta hopi conmovi cu e tragedia. Pueblo di Aruba tambe ta convivi cu e pueblo Hulandes. Ohala cu pronto bin claridad kico ta e causa di e tragedia aki. Finalmente MEP ta desea tur e famianan di e victimanan hopi forsa. E gesto aki a wordo masha aprecia pa representantenan di Hulanda na Aruba.

Banda di algun uitspraak

Tur caso den Corte di Prome Instancia awe lo ta Pro-Forma

Horario	Sospechoso	Acto Castigabel
08.15	J.J.P.K. D.K.K. D.J.X.S. C.M.S.M. A.J.M.	Uitspraak
08.30	A.K.R.J.R.	Pro forma. R. ta wordo acusa di cendemento di candela riba 3 di januari 2014.
09.30	M.R.	Pro forma. R. ta wordo acusa di un delito seksual.
09.30	J.P.D.J.M.	Pro forma. M. ta wordo acusa di un delito seksual.
09.30	S.C.P.	Pro forma. P. ta wordo acusa di, cu e intencion di causa un persona lesion grave, a hinke varios biaha cu un sker den pecho y/of brasa riba 31 di maart 2014.
09.30	W.J.F.L.	Pro forma. F.L. ta wordo acusa di importacion y/of posesion di cocaine y/of heroine den e periodo di prome pa 2 di april 2014.
09.30	ELS	Pro forma. S. ta wordo acusa di kibra den un casy ladronia di un caha fuerte riba 17 di april 2014, cu den dje 20.000 Dollar y/of 1000 Hong Kong Dollars y/of 36.000 Florin, joyas, holoshinan, cachid di banco, buki di banco, permisionan di estadia, mashinan y un laptop den autos.
09.30	P.W.C.M.	Pro forma. C.M. ta wordo acusa di a menaza un persona cu maltrato riba 19 di april 2014. Eta wordo acusa tambe di posesion di un arma di candela y balanan riba 20 di april 2014.
09.30	J.R.Y.	Pro forma. J. ta wordo acusa di kibra y ladronia den un cas riba 15 di april 2014 y (den un otro cas) riba 17 di april 2014.
09.30	G.M.C.	Pro forma. C. ta wordo acusa di kibra y ladronia den un cas riba 20 di april 2014 di tasnan cu (entre otro) pasaporte y/of cen y un television flatscreen. Eta wordo acusa di kibra y ladronia den un cas den e periodo di 25 pa 26 di april 2014 di un computer y/of un headphone y/of un of mas laptop y/of un iPad. Eta wordo acusa di kibra y ladronia den un cas riba 27 di april 2014 di un holoshi y/of un iPad. Eta wordo acusa di a intencionalmente cumpra y/of tuma como regalo y/of a huur, cambia, warda, sconde un iPad den e periodo di 6 di april 2014 te 12 di mei 2014, mientras e tabata sa cu e ta procedente di crimen.
09.30	K.M.A. D.N.B.	Pro forma. A. y B. ta wordo acusa di, conhuntamente cu un otro of otronan, ladronia cu violencia di un caha di placa, propiedad di un y/of dos persona, riba prome di april 2014. E violencia a encera cu a zwaai cu un machete den direccion di un di e personanan y/of a mostre un machete y/of a grite na un forma menazante: "Brother, nosta bay ataca bo".
09.30	K.S.R.	Pro forma. R. ta wordo acusa di, conhuntamente cu un otro of otronan, ladronia di un auto den e periodo di 16 pa 17 di april 2013, di ladronia di un auto riba 24 di maart 2014 y di ladronia di un auto (cu number V) riba 24 di maart 2014.
09.30	A.J.M. R.A.G.	Pro forma. M. ta wordo acusa di, conhuntamente cu un otro of otronan, ladronia di propiedadnan di pasaheronan di avion y/of un boter di perfuma den e periodo di 15 di februari 2014 te 15 di mei 2014. G. ta wordo acusa di, conhuntamente cu un otro of otronan, ladronia di propiedadnan di pasaheronan di avion y/of cosnan menciona riba e lista di loka a wordo tuma den beslag na un adres, entre otro, holoshinan, brilan di solo, telefon celular, un cartera, ambandnan, iPad, den e periodo di prome di juni 2013 te 14 di februari 2014. G. ta wordo acusa di, conhuntamente cu un otro of otronan, a sconde y/of tapa e berdadero origen di e cosnan riba e lista den e periodo di prome di juni 2013 te 14 februari 2014 y di 15 di februari 2014 te 15 di mei 2014, mientras e y e otronan tabata sa cu e cosnan ey ta procedente di crimen. G. ta wordo acusa di, conhuntamente cu un otro of otronan, ladronia di propiedadnan di pasaheronan di avion y/of cosnan menciona riba e lista di loka a wordo tuma den beslag na un adres y/of perfumnan den e periodo di 15 di februari 2014 te 15 di mei 2014.
09.30	F.R.S.	Pro forma. S. ta wordo acusa di ladronia cu violencia di auto di un persona riba 22 di februari 2014. E violencia a encera cu el a intencionalmente saca un cuchio grandiy musta e cholery a bis: "Bula na banda" y/of "Placa, placa!" y/of a pone e cuchio riba pecho di e chofer.



WIN BIG

Spaar 2 emboltura di NESCAFÉ Colombian Blend 170gr òf 4 emboltura di NESCAFÉ Colombian Blend 85gr.
Pone nomber, adres y number di telefoon y deposita esaki den e buson na Martijn Trading den Italeestraat 1 na Eagle of den bo Supermercado favorito

Enter 2 labels of NESCAFÉ Colombian Blend 170gr or 4 labels of NESCAFÉ Colombian Blend 85gr. Write down your name, address and telephone number on the label and enter at Martijn Trading at Italeestraat 1 or in your favorite supermarket.

1er Premio:
2 Tickets pa Cruiseship cu Pullmantur
2do Premio:
1 Samsung Smart TV 50"
3er Premio:
Lo saca 3 ganador pa Samsung Smart Phone Galaxy S5
4do Premio:
Lo saca 3 ganador ps Samsung Tablets 3 di 10.1"

1st Prize: 2 Tickets for a Cruise ship trip with Pullmantur
2nd Prize: 1 Samsung Smart TV of 50"
3rd Prize: 3 Winners for 3 Samsung Smart Phone Galaxy S5
4th Prize: 3 Winners for 3 Samsung Tablets 3 of 10.1"

Last day to enter labels is on August 15th, 2014, and drawing will take place on August 18th, 2014.

Ultimo dia pa entrega ta 15 Augustus, 2014.
Sorteo ta 18 Augustus, 2014.

Prizes redeemable at:



MARTIJN TRADING



NESCAFÉ

Wake up to life!

Minister di Cultura Otmar Oduber

Trahadornan di DCA a intercambia ampliamente di opinion riba maneho y implementacion riba veld di nos cultura

DEN cuadro di e maneho nobo di Cultura Minister Otmar Oduber a reuni cu trahadornan di Departamento di Cultura Aruba (DCA) unda cu a inicia cu un presentacion y a sigui cu un intercambio di opinion riba

maneho y implementacion riba veld di nos cultura.

Despues di e Cumbre Nacional di Cultura Ministerio di Cultura conhuntamente cu DCA a bin ta trahando riba un plan di maneho integral, entre otro

basa riba e vision cu tin pa combina cultura cu nos turismo y di e resultadonan cu a sali for di e cumbre.

E mandatario a haci uso di e oportunidad aki pa dirigi su mes na tur trahador y team di DCA pa asina aki splica un poco mas detaya riba su vision pa cu e departamento y pa cultura di Aruba.

Pa Minister Oduber e combinacion di cultura y turismo bou su ministerio no ta coincidencia manera el a expresa su mes varios biaha den medianan. E ta mira esaki como un oportunidad pa por hiba nos cultura mas na nos bishitantenan y mercadonan eyfor. Estudionan cientifico ta muestra cu na e momentonan aki e turista ta buscando mas e parti cultural na momento di elegi e destinacion pa pasa nan vacacion. E ta e momento ideal pa nos eleva nos cultura na e nivelnan di mas halto y esaki por wordo logra solamente cu trabounan



conhunto. Pa e motibo aki ta importante pa tin un plan di maneho unda cu lo tin un direccion concreto pa cu con lo implementa proyectonan y acerca e sector turistico.

Un punto hopi importante cu e mandatario a trece dilanti ta cu e responsabilidad di cultura no ta solamente di Gobierno y DCA, e ta un colaboracion conhunto di sector di cultural den su totalidad, unda cu ayudo di fondonan cultural, sector priva y comercial por eleva nos

cultura pa realiza proyectonan grandi.

Esaki tabata sigur un reunion hopi fructifero, unda cu trahadornan di DCA a intercambia ampliamente di opinion riba maneho y implementacion riba veld di nos cultura. Tambe nan a presenta ideanan hopi positivo cu sigur lo contribui na eleva nos cultura. Minister Otmar Oduber ta gradici e team di DCA pa comparti nan pensamiento, preocupacionnan y ideannan na bienestar di futuro di nos cultura.



TEL: 5821164
Cel: 5931189
Fax: 5880109
www.boutiquekeyla.com





Variacion di bistrinan pa e temporada, Blusa, Carson, Capri y mucho mas

No lubida riba nos LAYAWAY plan

Paradera 84 ~ Djaluna - Diasabra ~ 9am - 6:30pm



MEDIQ BOTICA

Mediq Botica Oduber
Caya G F Betico Croes 103 Tel: 5821780
Facsimile 5824452

"Hopi surtido di
Productonan Natural
di Calidad pa mantene
e Curpa y Mente den
bon balans"






UTILITIES ARUBA^{NV}

Aandeelhouders van N.V. ELMAR

Geachte heren,

Met inachtneming van artikel 21 roep ik hierbij een Algemene Vergadering van Aandeelhouders bijeen ten Dr. Edward Cheung Center for Innovation op vrijdag 01 augustus 2014 om 08:30 uur.

De agenda van deze vergadering luidt als volgt:

1. Opening
2. Commissariaat
3. Rondvraag
4. Sluiting

Nadere informatie omtrent de agenda ligt ter inzage ten kantore van Utilities Aruba N.V.

Hoogachtend,



Utilities Aruba N.V.
Dr. Franklin Hoevertsz.
Directeur.

Felicitation na Archivo Nacional Aruba (Pa Sr. Dufi Kock)

DIABIERNA, dia 1 di augustus, Archivo Nacional Aruba, oficialmente ta cumpli 20 aña di existencia. Un archivo cu a cuminsa for di nada na aña 1988, danki na e vision di Sr. Cisco Martis (qepd), Sra. Trudy Hassell y

Sr. Vito Petrocchi, pa menciona algun, cu mi ta compronde cu tabata e pioneronan e tempo ey. Un archivo cu a cuminsa den e edificio di ex-Rialto na Steenweg na Playa unda cu pa prome biaha mi a bishita. Pero no a dura

mucho cu e volumen di e archivo historico aki a rekeri un luga mas espacioso y adecuado. Awe e ta ubica den e edificio di ex-Wimco, Sabana Blanco 60, un luga mucho mas sigur, mas espacioso pa asina tanto documento y alabes un



Convocacion Reunion General Anual 2014 di Cooperativa di Ahorro y Prestamo Aruba C A P A

Aruba, 18 juli 2014

Respetable miembronan di CAPA.

Directiva di CAPA ta convoca su Reunion General anual di 2014:

Dia : Diabierna 8 augustus 2014

Ora : 19.30

Lugar: SEDE di SEPPA

Si pa 19.45, dia 8 augustus 2014, no tin quorum, e reunion ta keda cancela y un otro Reunion General ta keda convocá pa **diahuebs, 28 augustus 2014** pa 8'or di anochi na sede di SEPPA.

E reunión di dia 28 augustus 2014 ta sigui cu of sin quórum, tratando e mesun agenda.

Agenda:

1. Apertura/Informacion di directiva.
2. Relato directiva di aña 2013.
3. Relato tesorero di aña 2013.
4. Relato di Comision di Credito 2013.
5. Relato di Comision di Supervision 2013.
6. Balansa y cuenta/reparticion di ganashi 2013.
7. Cambio den Guia di CAPA (Reglamentonan Interno).
8. Eleccion miembronan di directiva.
9. Eleccion comisionnan.
10. Plan di trabao y Presupuesto pa 2014 y 2015.
11. Turno liber.

E reunion general ta importante pa tur miembro di CAPA y pa e motibo aki, directiva di CAPA ta spera un asistencia grandi na e Reunión General.

Directiva CAPA

luga espacioso cu tin tur comodidad pa cualkier persona cu kier bishit'e. Den mi trabou como un escritor y historiado, frecuentemente mi ta bishita e archivo aki, sea pa mi busca of coopera cu informacion, y mi mester bisa cu cada biaha cu mi bishit'e, mi ta mira solamente un progreso ambicionaal na e departamento aki. Sr. Raymond Hernandez, Director, y su staff bon cualifica ta hacienda un tremendo trabou pa mantene y preserva documentonan historico di nos pais. Adicionalmente nan ta tene exposicionnan anualmente pa asina mantene nos cultura bibo y alabes duna nos hendenan di conoce cu Archivo tey pa un y tur. Tur e esfuersonan aki y e dedicacion di e staff completo ta pa sigura cu nos pueblo tin un archivo y un bon fuente di infor-

macion pa turesnan cu tin mester di dje. Finalmente, pa medio di e comunicado aki, mi kier tuma e oportunidad aki pa extende un palabra di felicitacion na Sr. Raymond Hernandez y su staff completo na e ocasion di 20 aña di existencia di Archivo Nacional Aruba. Alabes mi gradicimento pa e cooperacion di semper brinda na mi persona. Pabien y sigui cu e bunita trabou pa engrandec e fuente di informacion aki pa nos comunidad pero muy especial pa nos futuro generacion.

Dufi Kock

Escritor y Historiador

Savaneta 125-F

Telefono: 584-1201

Cellular: 592-9417

dufikock@gmail.com

Lid in de Orde van Oranje Nassau 2006

ESSENTIAL  **TU PRODUCTO PA CUIDA BO SALUD!**
HEALTH SUPPLIES & Huur di Ekipo Medico




PHYSICAL THERAPY RESISTANCE BANDS

Mobilidad (Rolstoel, Kruk, Looprek) • Respiracion • Rehabilitacion
Cushini y AD Matrassen • Meñanan di Circulacion y di Diabetico
Terapia cu Friu / Cayente • Faha, Banchi y Sosten Ortopedico
Maternidad • Producto di Baño y hopi mas!



Caya Dr. J.E.M. Arends #17-A

Tel 297.587.0940 - info@essentialaruba.com - www.essentialaruba.com  [ehsaruba](https://www.facebook.com/ehsaruba)

NET DILANTI DI ENTRADA DI HOSPITAL!



**OPENBARE AVONDLEERGANGEN ARUBA
BEROEPSONDERWIJS**



INSCRIBI

Bo ta creativo, responsabel, motiva y gusta traha cu bo man. Anto un opleiding na OAA Beroepsonderwijs scol anochi di ofishi ta net lo que bo ta busca. Check nos out na 5827324/ 5930650 of bishita nos website: www.oaa.aw

Inscribi pa aña escolar 2014-2015

N.V. ELMAR ta anfitrión

Expectativa grandi pa conferencia di CARILEC na Aruba

E conferencia di CARILEC, cu e tema "Unlocking the Grid" ta inicia diadomingo awor na Renaissance Convention Center. Ta pa prome biaha cu N.V. ELMAR ta anfitrión di un conferencia di e magnitud aki, cu participacion di profesionan den region di Caribe. Tin 61 booth di companianan cu ta ofrece servicio den e mundo di tecnologia, sistemanan y fuentenan di energia nobo.

"Nos tin un grupo grandi preparando pa e evento aki cu sin duda lo bira masha exitoso, si

considera e cantidad di participantenan cu a inscribi caba y companianan cu kier forma parti di e evento", asina Wanda Broeksema di N.V. ELMAR a enfatisa. E ta convenci cu e temanan cu lo bini padilanti durante e dianan di CARILEC tambe lo enriquece conocimiento di tur e expertonan cu ta traha diariamente den e industria di coriente, tanto esunnan trahando directamente na N.V. ELMAR mes como tambe den otro companianan di coriente.

"Mi ta kere cu e interes grandi

pa atende na e evento ta debina dos factor. E prome sin duda ta e informacionnan cu lo comparti durante e diferente presentacionnan pero tambe debi na e hecho cu tur hende kier bishita nos isla como atraccion turistico", segun Wanda Broeksema a splica.

Yá caba e conferencia ta conta cu mas di 200 expertonan riba e tereno di ingenieria specialisa den coriente cu a inscribi pa participa na e "Engineering & GIS Conference". Aruba lo ta anfitrión di e evento aki, cu nos



historia rico pa fortifica lasonan di miembronan den region Pan Caribense.

E tema di e aña aki, "Unlocking the Grid" ta refleha e mentalidad habri di CARILEC den e proceso di brasa e temponan turbulento di e era nobo aki cu enfoke riba asuntonan relaciona cu e generacion di coriente y distribucion confiabel.

Durante un ceremonia special lo yama bonbini na dos miembro nobo, esta Virgin Islands Water and Power Authority (VIWAPA) y St. Lucia Electricity Services Limited (LUCELEC), cu ta celebrando nan di 50 aniversario e aña aki.

CARILEC ta bira realidad cu sosten di sponsornan grandi manera Wärtsilä, Aggreko, ABB y ta gosa di e sosten y

compromiso di miembronan leal manera Aqualectra di Corsou, WEB di Aruba y WEB di Boneiro.

Riba e ultimo dia a organisa un "Technical Tour" pa tur e participantenan. Lo bishita e Solar Park, Balashi OS, Yuwana Morto, e parke di molina di bi-ento na Vader Piet y despues e dia lo culmina cu un "farewell party".

Pa mas informacion, bishita e website www.carilec.org of tuma contacto cu Alison Pascal via di email apascal@carilec.org.

AWE Mainta
Nos e-mail:
noticia@awemainta.com
Tel: 583-1400
Fax: 583-1444

Mariela Apple Certified Sales Professional
Apple Certified Trainer

Conose i siña mas di bo iPhone, iPad, iPod i bo Apple Computer.

Jama nos libremente na 588.2167 pa hasi un cita.

www.istorearuba.com info@istorearuba.com Pontón67b



Ministro di Salubridad Publico y di Deporte ta anuncia cu entrante **28 juli 2014** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Macuarima 65**, di un peticion cu a ser haci pa obtene un koffiehuis- y un restaurantvergunning A pa e parcela **Bushiri 23**. E permisonan ta concerni e.o. benta di bebida sterki por detal y cuminda pa wordo consumi den e parcela. Durante dicho periodo aki tur hende por expresa por escrito nan obhecion contra dunamento di e permisonan menciona, dirigi na e Minister di Salubridad Publico y Deporte, via intermediacion di Director di Legislacion y Asunto Huridico, Macuarima 65.

Ex Minister George Jamaloodin a keda detene ayera mainta

Sospecha di asesinato di Hemin Wiels

WILLEMSTAD - Ayera mainta ex Minister di Finanzas di MFK y alabes doño di Speedy Security, George Jamaloodin a keda detene na su cas na Seru Lora Estate. E detencion ta relaciona cu e caso di asesinato di Hemin Wiels, e caso cu mientras tanto a haya e nomber di Maximus. Jamaloodin hunto cu Carlos Monk y a bira e segundo persona detene y sospecha di ta e autornan intelectual di asesinato di Helmin Wiels aña pasa Vocero di Ministerio Publico, encarga cu e caso Wiels, Guilano Schoop, a confirma detencion di un homber cu inisialnan G.R.M.J. di 46 aña di edad nace na Corsou na Seru Loraweg. A confirma tambe cu e detencion ta den cuadro di e investigacion Maximum, cual ta e investigacion di e autornan intelectual di e morto di Wiels.

Ayera tardi pa mas o menos 2'or Ministerio Publico a bolbe saca un comunicado.

Riba peticion di Fiscal y dirigi pa 2 Hues Comisario a tuma luga

varios entrada hudicial entre otro na e apartamento caminda G.R.M.J. a keda deteni, na dos cas situa respectivamente na Steenrijk y Stenen Koraal. Tambe a haci entrada hudicial na un Hotel y tambe na un negoshi na Salifia. Na diferente di e sitionan aki a tuma obhetonan den beslag cu por ta di importancia den e investigacion.

Fiscal encarga cu e investigacion a impone detencion preliminar di 2 dia riba Jamaloodin. Si durante e investigacion aki bira necesario pa continua cu detencion di Jamaloodin, e ora ey awe lo presente dilanti Hues Comisario pa evalua si e proceso di su detencion a bay segun ley.

Por lo pronto, fuera di su abogado y reclassering, G.R.M.J. no mag tin contacto cu ningun otro hende. E negoshi cu ta keda menciona den e comunicado di OM ta propiedad di Jamaloodin, pues Speedy Security Group publica na Lingberghweg na Salifia. E arma



di candela cu a keda encontra algun siman pasa den Waaigat y cu mientras tanto ta sigur cu ta e arma cu a asesina Wiels, tabata propiedad di e negoshi di Jamaloodin pues Speedy Security. Jamaloodin tabata Minister di Finanzas for 2010 te cu 2012 den Gabinete Schitte. Durante e periodo aki Hulanda a duna Corsou un "aanwijzing" pa di e manera aki purba reduci e deficit financiero di Corsou.

Na 2014 a cancela e aanwijzing aki -mas cu 20 luna despues cu Consejo di Minister a haya necesario pa pone un supervision superior tabata necesario na Corsou- riba indicacion di CFT, despues cu a keda dem-

ostra cu Corsou ta cumpli cu tur partinan di e "aanwijzing". Durante su periodo como Minister, defunto Wiels tabata critica Jamaloodin fuertemente pa su funcionamiento como Minister di Finanzas y tambe pa su actitud contra Parlamento. Na juni 2012 Wiels a declara cu Jamaloodin no tabatatin ningun nocion tocante e problemanan financiero cu Corsou tabata enfrentando.

Wiels tabata tin hopi problema cu e hecho cu Jamaloodin no kier a informa Parlamento entre otro tocante cartanan di CFT y cu cada biaha Parlamento mester a tuma nota di e informacionnan aki via prensa.

"E persecucion cu ta existi cu nos Minister di Finanzas ta un payaso", Wiels a bisa e tempo ey.

Tambe Wiels a critica e hecho cu Jamaloodin a nenga di ta presente na un reunion cu Comision Central den Parlamento dia 4 di april 2012 pa trata e presupuesto di Corsou. Jamaloodin e momento ey a duna como motibo di su ausencia cu e tabata den exterior.



Sin embargo un par di ora despues cu e reunion a keda cancela, Jamaloodin tabata sinta hunto cu Presidente Parlamento, Amerigo Thode, na un cafe riba Wilhelmina Plein. E mesun dia ey ruman di Jamaloodin, doño di Robby's Lottery, Robby Dos Santos, a keda aresta relaciona cu e caso biento, un caso grandi di labamento di placa, falsificacion di documento y evacion di belasting.

Un par di dia prome cu su asesinato, Wiels a duna di conoce cu e ta hayando prueba di un caso hopi grandi.

Na April aña pasa ela haci pregunta na Gobierno tocante e caso aki. E preguntanan tabata trata entre otro UTS y benta ilegal di loteria. E preguntanan aki a keda contesta 9 luna despues door di Minister di Finanzas de e tempo ey, Jose Jardim.

Manera ya ta conoci tin 4 persona, Burney 'Nini' F., Carlos 'Kalo' P., Dangelo 'Panchèk' D. y Elvis 'Monster' K., deteni y kendenan caso lo keda trata dia 4 di augustus proximo.

Profit+
Complete business software
including **AFAS Online**

From
AWG 250,-
monthly



Financial - HRM - Payroll - CRM - Projects - Logistics

Telephone +297 583 8919 of +297 738 0002 caribbean.afas.com



**DIMAS ta anuncia cu
dialuna 28 di juli 2014
lo tuma luga e
"soft opening" di su
oficina nobo situa den
Paardenbaariastraat 11**

Ex Minister di Finanza JD Yrausquin a sigura cu

Fianza pa estudio no ta na peliger



E discusion riba presupuesto ta causando incertidumbre bou di studiantenan na Hulanda y esnan cu denter di poco ta bandona Aruba pa bay studia den exterior. Nan tin miedo cu nan fianza di Aruba ta na peligro door di e situacion reinante. Den su ultimo presentacion como Minister di Finanza y Organisacion Gubernamental, Minister Juan David Yrausquin

a bisa bon cla cu e fianzanan pa estudio ta sigui y cu no tin motibo pa preocupacion. Den e "Toelichting" riba e Decreto Gubernamental cu a wordo aproba diaranson anochi door di Parlamento ta wordo splica explicitamente cu Minister di Finanza, basa riba un Decreto Gubernamental di 2006 ta apodera pa cera contratonan cu banconan local pa

finanza e debenan di Aruba. "E aña'ki tambe por haci uzo di e apoderacion aki pa cera acuerdo di fianza pa estudio."

Pues Aruba ta fia placa for di banconan local y ta presta esaki na e studiantenan. Ta trata di

un fluho di placa apart cu ta keda core, si tin presupuesto of no.

Pa loke ta e fianzanan di Aruba vigente, jurisprudencia ta bisa cu ta trata aki di obligacionnan

di pais Aruba pa cu e studiantenan involvi. E obligacionnan aki mester cumpli cu nan, sin importa e situacion politico. Asina ta cu studiantenan por ta tranquil pa loke ta nan fianza pa estudio.

Raspa y gana ta paga premio grandi Aces High a paga premio di 3000 florin

E Loteria di Aruba ta anuncia cu un di e premio grandi di 3000 florin di e wega Aces High di Raspa y Gana a wordo gana pa un fiel hungado. Recientemente suerte a bati na porta di Stefany C., kende regularmente ta compra ticketnan di Raspa y Gana. E dia aki el a scoge un ticket di Aces High na J's Lottery na Tanki Leendert y a bira masha contento ora cu el a wak e premio grandi aparece na momento cu el a raspa e ticket.

Stefany a bisa cu e ta poniendo e suma bunita riba un cuenta na banco pa e haya un chens pa pensa bon na kico e ta bay gast'e. E ganado feliz a expresa cu e kier uz'e pa "algo great".



Lotto ta invita tur amante di Raspa y Gana pa sigui hunga e weganan tan gusta y divertido, pasobra tin hopi mas premio pa parti cu cada un di e weganan. E premionan ta instantaneo cuminsando for di 2 florin te algun mil florin cash!

Lotto, e loteria di Aruba tin 8 diferente wega;

Catochi, Big 4, Zodiac, Wega di Number Korsou di Lotto, Lotto di Dia, Lotto 5, Mini Mega, y Raspa y Gana. Cumprando Lotto bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Lotto di Aruba ta den racha di parti premio Soño ta resulta den numbertan ganado di Zodiac



TATA di Conroy H. a soña cu un amigo di dje cu a fayece, unda cu e amigo a bis'e e numbertan 5250. E meneer a dicidi di compra e numbertan aki na Girasol Lottery pa e wega di Zodiac recientemente. A resulta cu esey tabata su dia di

suerte, unda cu e number 5250 a sali "den cabes" pa e sorteo di Zodiac.

Conroy H. a conta e team di Lotto cu su tata a keda hopi contento cu su premio di Afl. 12.500, = y e lo inverti'e mesora pa haci su tereno limpi pa cuminsa cu construccion di su cas.

Asina, un biaha mas, Lotto ta contribui na haci soño di un otro feliz ganado realidad. Masha pabien!

Lotto, e loteria di Aruba tin 8 diferente wega; Catochi, Big 4, Zodiac, Wega di Number Korsou di Lotto, Lotto di Dia, Lotto 5, Mini Mega, y Raspa y Gana. Cumprando Lotto bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

SHOE EXPRESS

SHOP AND SERVICE N.V.
REPAIR / REPARACION

NOS TA DRECHA SAPATO, TAS, MALETA, RAG TAS, HANCHA SAPATO, CAMBIE ZEPPER DI TAS Y TAMBE NOS TA MULA SKER, MACHETE, CUCHIU, CHAPI Y HERMENT.

NOS TA DUPLICA JABI DEN 1 MINUUT!!!! **10% Descuento**

TAMBE NOS TA BENDE TUR ARTICULONAN DI CUERO MANERA TAS, CARTERA PA HENDE MUHER Y CABAYERO, FAHA Y SOMBRE

LG Smith Boulevard #150
CERTIFIED MEGAMALL

TEL 5880394

Dreaming of a vacation?

WELCOME LAS VEGAS

9 DIA 8 ANOCHI
salida American Airlines
November 11 - regreso November 19

Incluyendo:
Circus Circus Hotel
KA Cirque de Soleil
Las Vegas Night Tour
Deluxe Hoover Dam Tour
Oportunidad pa bo hasi bo Xmas shopping

Cuminsando for di AWG.2.325.00 pa persona


Pa mas informacion yama oficina

ALDO
Travel Bureau Inc.
Tel: 582-1992

fun miles
fun within your reach

MOVIE NIGHT!!!

Dushi na cas cu un bon pelicula di Video One!




Esaki ta HOT!



DVD for Sale
DVD Original
Cuminsando na
5 Florin!
Probecha!

DVD
100%
ORIGINAL



videone

Santa Cruz 585-0250 • Bubali 587-1699

DC Pearl Most Outstanding Pearl entrega na Jeffrey Williams

NA Gabinete di Aruba a tuma lugar dia 23 di juli entrega di e premio "Most Outstanding Pearl" na e hoben Arubano Jeffrey Williams. E Dutch Caribbean Pearl Award ta un iniciativa di e organisacion OCAN (Overlegorgaan Caribische Nederlanders) y ta keda entrega pa di tres aña caba durante di un show di Gala. E entrega di e award na Jeffrey Williams a tuma lugar na Gabinete di Aruba pa motibo cu e no por tabata presente na e anochi special. Rigoberto Nivillac, den nomber di directiva di OCAN, a cuminsa na pidi e presentenan pa tene un minuut di silencio pa e victimanan di MH17. Despues ela introduci Jeffrey como un hoben cu ta haci hopi pa studiantenan Caribense. Como presidente di Caribisch Studenten Vereniging (CSV) na Amsterdam Jeffrey a sa di yuda e studiantenan pa nan haya nan caminda na Amsterdam. Despues di e palabranan aki Rigoberto a haci entrega di e award na Jeffrey.



Den su palabra di gradicimento Jeffrey a dirigi su mes na team den CSV pa nan trabao especial y cu nan a yuda asina tanto estudiante. Tambe e tabata tin palabra di danki na su famia y amigonan. 'Specialmente na mi mayornan y mi ruman muher, danki pa boso sosten sin fin y pa boso guia. Boso semper

a motiva mi pa mi amplia mi conocimiento. Hopi biaha nan no ta bisto, pero toch boso tabata tey ora cu mi tabata tin mester di boso. Y finalmente mi amiga cu ta mi supporter di mas grandi,' asina Jeffrey a termina su gradicimento. Minister Plenipotenciario den su discurso a cuminsa na fe-

licita Jeffrey cu e premio como "Most Outstanding Pearl". Sr. Boekhoudt a referi den su discurso na trabao voluntario y cu hopi biaha esaki ta cuminsa cu e desicion di e persona pa haci esaki algo ora di constata un necesidad. 'Mi ta contento cu Jeffrey banda di su estudio a scohe pa yuda otro y asina e por

haci un diferencia. Mi ta spera cu aunke cu bo estudio lo existi hopi tempo dibo, cu bo por sigui haci e trabao aki na bienestar di e studiantenan na Amsterdam. Mi sa cu bo no ta haci e trabao aki pa haya un reconocimiento, pero un premio asina ta sinti manera un recompensa.'

Sr. Boekhoudt tambe tabata tin palabra di elogio pa OCAN cu ta organisa e DC Pearl Award Gala aki pa di tres aña caba y cu di e manera aki ta pone nos hendenan y nan talentonan den luz positivo. 'Asina nos por mira cu tin hopi talento bou di nos hendenan. Y mi ta contento cu OCAN ta haci esaki. Tambe un premio asina ta traha manera un empuhe di energia pa sigui enfoca riba comunidad Hulandes Caribense', segun palabra di Minister Plenipotenciario Alfonso Boekhoudt.

Rigoberto Nivillac a gradici sr. Boekhoudt pa su hospitalidad y haci entrega di un buki "Curaçao Classics" cu obranan di arte di artistanan di Curaçao.



FERTEC N.V.

AIRCONDITION & REFRIGERATION

Address: Tanki Leendert 2-I Email: fertecnv@hotmail.com
Tel: (297) - 5882860 Cell: (297) - 5633766



Seriously efficient air conditioning
at the best price.

The Only Inverter Central
Unit with
Solar Panel Connection

SEER up to 25.00




New generation of
inverter minisplit








Douaneronan di Aruba a cana Vierdaagse di Nijmegen



E aña aki atrobe un grupo di cuater oficial di Cuerpo di Douane di Aruba a participa na e 4-daagse di Nijmegen. Esaki atrobe invitacion di e Cuerpo di Douane di Hulanda. Minister Plenipotenciario Alfonso Boekhoudt na e centro di congreso Berg en Dal a presencia e entrega di medayanan na e participantenan di Douane. Sr. Boekhoudt a haci entrega di medaya na Sr. Marlon Ruiz cu a participa e aña aki ga di nueve biaha y sr. Giovanni Davelaar cu a cana e aña aki ga di shete biaha. E otro dos douaneronan Humphrey Richardson y Giovanni Nicolaas a cai afora riba e ultimo dia y perye no a ricibi un medaya. Si Humphrey Richardson a loga na cana e 4-daagse aki, esaki lo ta su di 14 biaha. Pa Giovanni Nicolaas lo tabata su di dor 4-daagse. Como clausura a sigi un encuentro informal unda sr. Boekhoudt por a sigui papia cu e douaneronan tocante di nan experiencia nan cu e caminata aki. Den e grupo di Douane a participa funcionan di douane for di varios pais manera, Alemania, Turkia, Luxemburgo, Curaçao, Finlandia y Belgica.

DEPORTE

ATLETICO MADRID A PRESENTA MARIO MANDZUKIC

1903





Napa autoparts tin un gran surtido di Gearwrenches sae y metric. Napa handtools. Tambe hydraulic jacks den tur tipo, Boosterpacs pa start bo auto, batterchargers. Napa aircompressors y toolboxes di chiquito te grandi. Tambe Napa ta ofrece servicio di fabrica HYDRAULIC HOSES pa bo auto of equipo den diferente size.

Napa su stock di oilfilters, fuelfilter y airfilters tambe ta na bo ordo.

Napa Autoparts Santa Cruz 10 B

Orario : dialuna pa diabierna 08.00-1200—1.30pm-5.30pm
diasabra 08.00 - 4.00pm (non stop)
Tel 583 4363 Nos ta spera bo.

Cura Cabay 145 - Tel: 5845046 ** Shaba 1 - Tel: 5870621

Nico Rosberg:

"Danki na e team pa e auto aki"

E aleman Nico Rosberg, lider di e Mundial di Formula Uno cu Mercedes, a gradici e team pa dun'e un auto tremendo y celebra esaki den su fabor. "Tanto cos positivo a pasa den e ultimo siman nan ki. Casa tabata e mihor sensacion sin duda, y despues e contract nobo, Mundial di Alemania y e fin di siman na Hockenheim. Tabata un momento hopi special pami", el a bisa. Pa e piloto aleman, "tabata un sensacion increibel logra e victoria na cas pami y Mercedes-Benz na Hockenheim. E careda ey y Monaco ta esnan cu realmente mi kier a gana. Mi tin cu duna danki na e team pa e tremendo auto aki". "Awo nos ta dirigi pa Hungaria, cu ta semper un fin di siman hopi pret. Na Budapest mi ta spera cu nos tin algo pa celebra manera un recompensa cu tur e trabou duro prome cu vakantie", el a duna di conoce.





Gareth Bale ta desea pa James Rodriguez ta mescos cu na Brasil

GARETH Bale a keda contento cu e yegada di James Rodriguez na Real Madrid. E hungador a papia riba e gran papel cu su compaño nobo a realisa durante Mundial di Brasil y ta spera cu e calidad cu a muestra durante e torneo ripiti cu su

club nobo. "El a muestra na Mundial e bon hungador cu e ta y mi ta kere cu e ta bini Real Madrid pa hunga cu e mihor hungador nan. Mi ta spera cu por reproduci loke a hasi den Mundial cu nos. E compra di bon hungador ta yuda nos gana trofeo manera Champions League", el a duna di conoce despues di participa den su di dos fecha di training cu e team den instalacion di

UCLA na Los Angeles. Bale solamente tin un aña como hungador di Real Madrid. Su proceso di adaptacion no tabata facil y no a duda na recomenda James pa busca sinti mihor posibel den Madrid pa asina transmiti tranquilidad riba veld.

"E ta dificil, mi ta kere cu e prome ta sinti bon. El a yudami hopi. E compaño nan tambe a yudami hopi cu nan bon

bini, nan a ponemi sinti comodo y esey a yuda pa hunga bon den veld", Bale a duna di conoce.

"Mi ta kere cu e ta un gran hungador, a hasi un gran trabou den Mundial. No ta mi trabou bisa unda e ta bay hunga sino di e director tecnico, pero nos tur sa cu e hungador nan mester train y hunga bon pa retene su buraco den e team. No ta diferente di cualkier temporada, tin cu hunga bon pa retene su lugar". E hungador a muestra entusiasmo cu e temporada nobo despues di a gana Copa del Rey y Champions League den e prome di seis aña cu ta spera den e team. Mi kier cumpli tur obhetivo, cu ta pasa pa sigui riba e ruta ganador. "Lo ta un temporada excitante. Ora ta e mihor team di mundo semper tin presion, semper tin competencia. Mi no ta sigur si nos tin hopi presion na gana e torneo nan ey. Nos tin mashamber cu nunca. Nos kier retene e trofeo manera ningun team a hasi'e den e formato aki", el a declara.



SCOL di IDIOMA

Pos Chikito 75A – 5843768--6900169
scoldiidioma@yahoo.com

Scol di Idioma
lo ta cera den luna di Juli
Masha danki pa boso confiansa

DRAGON CD & ELECTRONICS

Mainstreet San Nicolas Tel. 584-3999
open 9.00 - 13.00 and 14.30 - 18.30

Dragon specials



LU neo dual

simBlu music 4.0 Samsung s3 sim
Afl. 225.00 afl. 175.00

afl. 399.00

Also: Samsung S5, Samsung S4, Samsung 4 mini, S3 mini etc.....

Accessories for: HTC Sensation XL, One X, Rhyse and Samsung S2, S3 and Note.
Also: Iphone 5s, Iphone 5c, Samsung S3, Samsung Note 2, Blackberry Q10 and Q5, curve 9220, 9320 and more.

Hp Laptop 15.6" 4Gb 320Gb Harddisk. Afl. 500.00

Hp Ink cartridges, Universal laptop adapters etc..

ITunes gift cards \$ 10.00 and \$ 15.00 and Playstation Network cards.

Sales, repair and accessories for all blackberry models and other cellualars.

Unlock, reload, reset, upgrade, replace lcd, keypad, speaker etc.....

Dragon Cd & Electronics

Mainstreet San Nicolas tel. 584-3999 open 9.00 - 13.00 and 14.30 - 18.30 hrs.

Barcelona ta e club cu a gasta mas

E club di Barcelona semper tabata orguyoso di produci gran hungador di La Masia, y nunca den e siglo aki tabata e team cu mas a gasta pa reforsa su team den un temporada. Pero despues di e mal resultado di e temporada pasa, e club catalan a sali di compra y por wak pa prome biaha desde 2001, ta e team cu a inverti mas den e

planeta. Despues di cumpra e defensa Mathieu, cu a costa 20 miyon euro y cu tabata pertenece na Valencia, Barcelona ta acumula un gasto di 143 miyon euro den contratacion di refuerzo. T'e cu awo, e cantidad ta un record pa e temporada 2014/2015. Na di dos lugar ta Real Madrid, cu a gasta 110 miyon euro.

Nunca prome Barcelona a pasa e barrera di 100 miyon euro pa reforsa su team. E posicion mas halto di e club den e ranking di gasta a pasa den 2004, ora tabata di dos lugar cu a gasta mas y tabata un total di 78,5 miyon euro. E club a yega na luho di no inverti un cent, manera na 2005. E temporada prome tabata solamente di 10 cu

mas a inverti. Na 2012, tabata na di 23 lugar den e tabla. Awo tin cuatro hungador, ademá di Mathieu, cu un costo riba 10 miyon euro.

E delantero Suarez a costa 81 miyon euro. Rakitic a yega pa 18 miyon euro.

Tabata 24 miyon euro pa dos portero, 12 pa Ter Stegen y otro 12 pa

Claudio Bravo di Chile. Tambe e salida di varios importante a afecta e team di manera considerabel, e retiro di e pilar den defensa, Carles Puyol, e salida di Alexis Sanchez, Cesc Fabregas y e portero titular, Victor Valdez. Y tin otro cu no a causa tanto cos, manera e salida di e portero suplente Jose Manuel Pinto, Jonathan dos Santos y Isaac Cuenca.



Liverpool a ofrece 45 miyon pa Arturo Vidal

LIVERPOOL a ofrece Juventus 45 miyon euro pa e volante chileno Arturo Vidal, segun e corant Daily Mail a duna di conoce diahuebs. Juventus, cu ya a nenga un oferta di Manchester United, awo si lo por lag'e bay, apesar di e opinion den contra di e delantero argentino Carlos Tevez. "Ban tene Vidal y lo wak; nosta gana Champions League", Tevez a bisa y a agrega: "Nos tur kier pa e keda cu nos. Un campeon manera Arturo no mester bandona Juventus".

E club di Turin, cu a compra Alvaro Morata (Real Madrid), Patrice Evra (Manchester United) y Roberto Pereyra (Udinese), ta uni tambe e brasileño Romulo (Verona) via prestamo pa un miyon di euro y un opcion di 8 pa compra esaki definitivo. Segun ta papia cu Manchester United su oferta tabata di 44 miyon euro, y e director general di Juventus, Beppe Marotta, a contesta di biaha cu e mediocampista chileno su futuro ta den e club y nunca tabata

na benta. "Vidal ta futuro di Juventus y nunca tabata na benta", Marotta a declara un siman pasa, durante e presentacion oficial di e entrenador nobo di e team, Massimiliano Allegri.

"El a declara feliz di sigui den Juventus y nos ta contento di tin'e", el a añadi. E hungador chileno, di 27 aña, a yega pa 17 miyon euro procedente di Bayer Leverkusen den e temporada 2011/12. Desde e tempo ey a bira

den un pieza clave di e team, tricampeon consecutivo di Calcio hunto cu Tevez y Fernando Llorente. Tabata duda den e Mundial di Brasil t'e ultimo ora, debi na un operacion di meniscus di su rudia banda drechi pero finalmente a hunga cu e team di Jorge Sampaoli t'e cu octavo final, unda a perde contra Brasil.




COMPLETE LINE IN STOCK NGK DENSO MOTORCRAFT AC DELCO CHAMPION ALDOR SPARK PLUGS	MAC BATTERY SPECIAL  12 MONTH WARRANTY
 Valvoline MOTOR OILS	 Kendall MOTOR OIL
NEW CONTAINER AUTO PARTS & MORE.....	 EVEREADY
ABRO PRODUCTS IN STOCK	 LUCAS OIL PRODUCTS INC.  AIR / OIL FILTERS
 SIMPLY THE BEST / UNLIMITED PARTS MORGENSTER # 12 - B TEL: 583 1001	

MESTER DI PLACA? EMPEÑA Y CUMpra ORO

PASA Y COMPROBA PA BO MES!


JUWELENHUISJE

ORARIO 10AM - 6PM DIALUNA TE DIABIerna



Segun Roberto Rivellino

Guardiola lo tabata mihor opcion pa dirigi Brasil




E ex futbolista brasileño Roberto Rivellino, campeón mundial na 1970, a bisa cu e mihor opcion pa dirigi e seleccion di Brasil tabata pa yama Pep Guardiola y no Dunga. Rivellino, den un entrevista na e scol di futbol cu el a crea dos decada pasa na Sao Paulo, a bisa cu e solucion pa e seleccion ta pone un team cu hungadornan di team local pa por duna e clubnan mas capacidad pa retene e talento nan. "Pa loke a pasa den Mundial, mi a spera cu CBF pensa diferente, den un stranhero manera Guardiola. Paso Spaña tabata campeón na 2010 y tabata tin dede di Guardiola, mescos a pasa cu Alemania 2014, cu e riki taka", e idolo di Corinthians a duna di conoce na wordo interroga riba e designacion di Dunga como seleccionador. Den su opinion, Guardiola tabata e mihor contesta despues di e goleada di 7-1 sufri pa Brasil contra Alemania den e semifinal di Mundial 2014 den Belo Horizonte dia 8 di juli.

"Brasil a keda marca pa semper cu e 7-1 aki. Por perde, pero no di e manera aki. Nos a sufri. Tabata peor cu e Maracanazo, unda nos a perde 2-1 contra Uruguay na 1950. E tempo ey al contrario di e tristesa aki, tabata un decepcion", el a splica. Dificil pa Rivellino ta splica e 7-1 como local pa e generacion nobo cu ta soña bira Neymar, cu ta acudi na su club. E problema di futbol brasileño ta structural, Rivellino ta menciona, cu tambe ta traha como comentarista na TV Cultura. "Si bo wak Dunga t'e cu 2010 den e seleccion ta victorioso. Ora asumi diamars a pone enfasis riba esey. Mi preocupacion ta e rescate di futbol, mas eynan di e resultado, porta cu un proyecto pa 2022", el a analisa. "Den cada campeón di mundo cu Brasil tabata tin, semper bo haya por lo menos tres hungador estelar. Awo tin apenas uno, Neymar", el a duna di conoce.



Mario Mandzukic:

"Costa ta Costa, ami ta Mario Mandzukic"



E delantero nobo di Atletico Madrid, Mario Mandzukic, a presenta dilanti e publicu di Atletico Madrid cu a yega na Vicente Calderon y cu su uniform number 9. Dilanti un 3 mil fanatico cu a yena e tribune di e stadion, Mandzukic a baha bisti den uniform cu 9 riba lomba, e number cu a wordo uza e temporada pasa pa David Villa. Cu un comienso no dje bon, ya cu algun fanatico a subi veld pa yega na nan idolo, Mandzukic a saca varios potret riba e yerba cu e grupo di publico di diferente edad. Despues, e delantero a bolbe na separa di e zona unda prensa tabata pa ta mas cerca di e publico, cu el a dedica algun palabra. El a duna danki na e fanaticada di Atletico y a ofrece un prome promesa, papiando cu e publico danki na un persona pa traduci tur loke e bisa. "Hopi danki. Mi ta spera di por score hopi gol", e hungador a duna di conoce, cu a caba cu "Aupa Atleti" na spaño, cu tabata aplaudi pa e publico. Algun sector di e publico a pidi pa e sunchi e scudo di Atletico. El a hasi'e, aunke prome cu esey a parti varios bala entre e sectornan cu tabata tin fanatico. E delantero Mario Mandzukic kier a pone un distancia entre e ultimo delantero di e club, Diego Costa, den su presentacion den e sala VIP di e stadion Vicente Calderon, na unda el a bisa "Costa ta Costa" y cu cada hungador ta di un manera diferente.

"Diego Costa ta Diego Costa; ami ta Mario Mandzukic. Cada un ta na su manera", e delantero a bisa durante su presentacion ora tabata puntra riba si e team tin cu hunga di diferente manera a hasi cu Costa. "Ami ta bay sigui e instruccion di mi entrenador nobo, Simeone", el a agrega. Puntra pa su ex entrenador den Bayern, Pep Guardiola, Mandzukic a bisa cu no kier papia di e tema. "Mi no kier bolbe den pasado. Mi mundo awo ta Atletico Madrid", el a agrega. Mario Mandzukic ta yega pa sustitui Diego Costa, cu a sali pa Chelsea. E delantero aki di 28 aña a score 25 gol den 46 wega e temporada pasa cu Bayern Munich, temporada cu tabata campeon di Bundesliga, Copa di Alemania y Supercopa di Europa. Prome cu Bayern el a hunga den Wolfsburg, Dinamo Zagreb, NK Zagreb y Marsonia.

Edrick Dijkhoff a regresa cu su Medaya di Brons

El a wordo ricibi engrande na airport door di familiares, Coleganan di N.V.Elmar y representantenan di ASB



DIARANSON atardi a regresa Aruba for di Tsjechie via Hulanda e pelotero di Aruba Eldrick Dijkhoff. Eldrick desde 12 di Juli a biaha pa Brod, Tsjechie unda el a incorpora den cu seleccion di Hulanda pa hunga Europees Kampioenschap. Hulanda a bataya fuerte y den un wega crucial contra

Gran Britannia nan a logra laga Gran Britannia den tereno 3-2 pa asina conkista nan medaya di BRONS. Eldrick su aporte tabata tremendo durante un siman na Tsjechie unda e tabata shortstop regular di seleccion. N.V.Elmar hunto cu Familiaresa planea un bunita encuentro pa Eldrick Dijkhoff na aeropuerto

como sorpresa. Un cantidad di famia y coleganan di Elmar, manera nan di Elmar a bay plat pa un rato, y tambe representantenan di Aruba Softball Bond a duna acto di presencia pa ricibi Eldrick na airport. Asina sigur estimulando nos deportistanan cu ta destaca riba plataforma internacional.

Un pabien na Eldrick Dijkhoff y seleccion di Hulanda cu nan logro ganando medaya di Brons clasificando pa World Cup cual lo tuma lugar den 2015 na Canada. Tambe palabra di elogio pa N.V.Elmar y tur su empleadonan kende ta support nan empleado y colega durante bon cooperacion pa un

atleta por desaroya y competi riba un alto nivel.

Sigur e bon cooperacion di Aruba Softball Bond kendenan ultimo añanan a crea oportunidadnan grandi pa nos atletanan local. Pabien Hulanda, Pabien Eldrick y pabien na e deporte di softball. Danki N.V.Elmar.

Aruba 2 den final di Punta Cana Home Run Summer Season

Seleccion di Baseball 7-8 aña di Aruba lo enfrente Puerto Rico diabierna mainta 11 am pa campeon



FOR di nos coresponsal na Punta Cana Republica Dominicana nos a ricibi e tremendo noticia cu e ekipo di nos chikitinnan di 7-8 aña a logra pasa pa final den e torneo di Baseball Punta Cana Home Run Summer Season. Por a compronde cu Aruba tin dos ekipo den e competencia aki esta Aruba 1 y Aruba 2. Aruba 2 ta logra gana 4 partido y bou

maneho di manager Pierre Richardson hunto cu su coachnan y mayornan kendenan a traha duro pa Aruba por keda gana y pasa pa final. Diabierna 25 di Juli pa 11 am na Bavaro Punta Cana Aruba lo enfrente Puerto Rico pa e titulo maximo. Ta desea nos chikitinnan tur clase di exito mañan den final.



Aruba a bay cu premio na torneo Internacional di ajedrez na Corsou



DESDE 11 di Juli pa 20 di Juli a tuma lugar na Corsou e conocido "Curacao Chess Festival".

Esaki ta un torneo internacional unda normalmente varios pais den region ta participa. E aña aki, situacion no ta di gaba, y ta Aruba so a participa na Corsou. Esaki lo ta debi tambe cu den Augustus venidero, tin un olimpiada di ajedrez na Tromsø, Noruega unda mayoria di e paisnan den region lo bay participa. E torneo aki ta wordo hunga den 2 grupo. Un grupo Open unda e hungadonan mas fuerte ta participa y un grupo Youth, unda hobennan bou di 18 aña por participa.

Den e grupo Youth, Aruba a manda solamente 1 participante, Daniel Diaz Junior. Daniel a logra di gana tur su 9 partidanan, terminando asina como number 1 den e grupo di Youth.

Un prestacion enorme di Daniel.

Den e grupo Open, Aruba a manda Juan

Pablo de Mey. Juan Pablo ta un di nos 2 hungadonan cu tin e titulo di Fide Master (FM). Juan Pablo a perde 1 wega y tabla 1 wega. Tur e otro weganan e la gana. Juan Pablo a termina den e Open section como number 2, cu un total di 7 ½ punto for di 9 partido.

E prome lugar a bay pa un yiu di Corsou Sherman Maduro. Sherman a score 8 punto for di 9 partido.

Den pasado Aruba ta participando cu 8 pa 10 hungado den e torneo aki. E aña aki, door di e situacion financiero y alabes otro biahenan pa exterior (Panamericano na Mexico den e mes un temporada y olimpiada di ajedrez na Noruega (Augustus venidero), nos a participa cu solamente 2 hungador.

Pero den Youth, nos a bay cu e prome lugar y den Open nos a bay cu e segundo lugar. Dus un logro grandi pa Aruba atrobe. Nos kier a gradici Comision di Subsidio cu un biaha mas a subsidia e biahe pa Corsou aki.

Hugo Themen como referee den Festival Deportivo Panamericano na Mexico



FOR di Organizacion Deportiva Panamericana (ODEPA), Aruba Amateur Weightlifting Association a ricibi un invitacion pa Sr. Hugo Themen bin traha como referee internacional den e Festival Deportivo Panamericano cu a tuma lugar riba fecha di 17 pa 22 juli 2014 den e ciudad di Mexico City. Den e Festival Deportivo Panamericano a wordo invita en total di 19 referee di e continente Panamericano pa e deporte di hisamento di peso. Hugo den e congreso di referee cu a tuma lugar den e Centro Nacional de Alto Rendimiento

(CNAR) a wordo nombra pa traha como Jurado den grupo 1. Hugo Themen desde 2005 a pasa examen pa hanja su licencia di referee categoria 2. Despues di dos aña na 2007 a pasa examen di referee categoria 1 cu exito den un campeonato internacional na Puerto Rico. Licencia categoria 1 ta esun mas alto den e deporte di weightlifting. Aruba Amateur Weightlifting Association ta manda palabra di pabien na Sr. Hugo Themen cu a traha como referee internacional den e Festival Deportivo Panamericano na Mexico.

Aruba Stamps, e pagina filatelico di Facebook di Post Aruba a tene un campaña relaciona cu e Copa Mundial 2014

E aña aki Post Aruba a emiti un set filatelico relaciona cu Copa Mundial di FIFA 2014 pa conmemora e tan spera evento aki cu ta tuma lugar cada cuater aña y

cu ta uni nacionnan y genera emocion rond di henter mundo.

Durante e temporada di e Copa Mundial, Post Aruba a crea un concurso riba su pa-

gina di Facebook Aruba Stamps caminda a post diferente pregunta relaciona cu e historia di e mundialnan di FIFA. Entre esnan cu a contesta e preguntanan corecto a saca ganadornan pa medio di sorteonan di tombola. E ganador di cada pregunta a haya un set filatelico (stampa y envelop di prome dia di emision) di e Copa Mundial di FIFA 2014 como regalo.

Entre e ganadornan tabatin participantenan di Aruba y tambe coleccionista internacional di paisnan manera Francia, Hulanda, India, United Arab Emirates,

y Argentina.

Riba e prome dia di cada emision di stampia, Post Aruba ta post e imagenan y descripcion di e emisionan riba su pagina di Facebook Aruba Stamps. Post Aruba ta invita tur persona pa like su pagina Aruba Stamps pa asina nan disfruta y siña for di e storianan y informacion interesante cu tin tras di cada tema di e stampianan.

Tambe, Post Aruba ta duna danki na esnan cu a participa den e concurso tocante e historia di FIFA y ta felicita e ganadornan.

Show your knowledge about the FIFA World Cup and get a chance to win a **free philatelic set** of our **FIFA World Cup 2014 issue**



Final Ronda #2 - Mens Erger Je Niet LIVE2014



sigura puesto number uno y asina clasifica pa proximo ronda, igual cu Old Parr cu

lo subi cancha Commando (geel), Grumpy Crew (berde), Smash (corra) y New India Assurance (preto). Diasabra 26 di Juli Pool A tambe lo conoce su ultimo partidonan di ronda number dos. Pa 8'or ta enfrenta otro Smiling Faces #1 (geel), Chipi Chipi Tin'e (berde), W.E.B. (corra) y Black Widows (preto). Sigui 10'or cu partido entre Los Falcetas (geel), Screngerenge (berde), Hey dushi Yiu (corra) y Dushi Yiu (preto).

Bin disfruta di weganan interesante y di nivel haltu, clausurando asina ronda number dos pa ambos Pool. Centro di Bario Brazil ta wardado sin falta.



SIMAN pasa Diabierna den di prome partido correspondiente na Pool B, Bombers ta clasifica como number uno pa proximo ronda, sigui pa Seru Weburi. Cana Malo Pasa Bon #2 no ta logra clasificacion y Midwest Muffler Shop ta perde pa default. Den di dos partido, Cana Malo Paso Bon #1 ta segura puesto number uno pa proximo ronda sigui pa X-Clusive VIP Crew. Flor di Brazil y Parke Arikok Sales no ta clasifica. Diasabra den prome partido correspondiente na Pool A, Keep On Walking ta

ta keda na di dos lugar. Bay Gafia Baca #2 y Kleine Vrijdag Crew no ta logra clasificacion. Di dos partido a conoce Banana Gang como ganador sigui pa Grupo Gafia Sa. Langzaam Maar Zeker y Bongos ta keda elimina.

Fin di siman aki ultimo partidonan di ronda number dos di Pool B ta wordo hunga. Diabierna 25 di Juli 8'or ta enfrenta otro Tutti Frutti (geel), Oso Reboltoso (berde), Sherwin Williams (corra) y Bay Gafia Baca #1 (preto). Pa di dos wega cu ta programa pa start 10'or

"Semi final di 10 Campeonato di Softball di Federacion Liga Mayor di Softbal Arubano"

CU un cordial saludo deportivo directiva di "Federacion Liga Mayor di Softbal Arubano" ta participa pa medio di esaki partidonan semi-final di e 10 campeonato di softball bou di auspicio di Federacion Liga Mayor di Softbal Arubano.

E campeonato 2014 a inicia diadomingo 01 di juni 2014 na unda durante 7 diadomingo tremendo partidonan a wordo brinda door di 10 di e 13 club miembronan inscribi. Manera ya anuncia e campeonato aki lo tin un duracion di 10 diadomingo y lo finalisa segun programacion diadomingo 03 di augustus 2014 cu participacion di 13 club miembro bou auspicio di "Federacion Liga Mayor di Softbal Arubano".

E campeonato 2014 ta wordo dedica na Sr. Archie Williams, Yuyu Croes, Franky Arnell y Mila Dirksz

kendenan tin trayectoria bastante largo den e ramo di softball den e parti di Liga Mayor aki na Aruba.

Pa diadomingo 27 di juli 2014 e penultimo diadomingo di e campeonato 2014 ta continua cu 4 candeloso partido pa defini e finalistanan rumbo pa campeon y sub-campeon di Aruba riba e tereno na Flatstone na Piedra Plar, gesponsor door di Playa Liquor N.V. cu su famoso serbez "Budweiser" cu lo tin e siguiente programacion:

SEMI-FINAL

27 Juli 2014: 10:00 – 12:00: Astros Powerade v/s Jani's Bulldozer (Amistoso)

Flatstone PP 12:00 – 14:00: Deco's Classics v/s Racketeers MNO (Amistoso)

14:00 – 16:00: Kibaima Tot Serv v/s Surprise HSHRE (W-I & L-I)

16:00 – 18:00: Bambino Florsheim v/s San Nicolas Movers (W-II & L-II)

Bar: *Racketeers M.N.O.

Pa medio di esaki henter pueblo di Aruba, principalmente amantenan di softball ta wordo invita pa atende y presencia bunita partidonan cu lo ser brinda door di nos baluartenan di antes.

Cu saludos deportivo den nomber di directiva di Federacion Liga Mayor di Softbal Arubano gradiciendo prensa en general sperando riba un cobertura total, mi ta termina cu e comunicado di prensa pa cu diadomingo 27 di juli 2014 - campeonato 2014.

Hoben dedica na canto marcando paso Andres Lopez nunca a "give up" y pronto riba Freewinds

E hoben Andres Lopez ta den pleno preparacion cu alma y curpa pa e evento di hubentud pa hubentud, Dynamic Talents, riba e crucero Freewinds dia 9 di augustus.

Cu 12 aña di edad ya caba Andres a cuminsa explora su talento den e mundo musical. E hoben aki a cuminsa ariba drums y den su trayectoria Lopez a descubri su virtuosidad como cantante. Den su ora liber y cualkier oportunidad cu presenta su dilanti Andres ta dedica su tempo pa practica su bos. E hoben aki cu su 16 aña a haya un guitarra, locual a bira un complemento pa su bos. Compafiando su mes riba guitarra, Andres a cuminsa "post" su


cancionnan riba Face Book. Asina poco poco Andres a cuminsa subi Mercado Arubano. Mas y mas bandanan musical a cuminsa aserka Andres pa canta den various evento. Despues Andres a hanja oportunidad pa forma parti di Upgrade Music. Mas y mas e hoben aki ta cai den "spotlight" y asina a wordo acerca pa tuma parti como musico den "The Best of Aruba Awards". Andres a toca y canta den e evento crema di crema aki.

Dia 9 di augustus Andres lo haci su actuacion riba Freewinds como un inspiracion pa hubentud. Varios otro artista hoben di Aruba lo ta uni ariba escenario pa manda mensahenan positivo pa nos

hubentud. E hoben aki den su canto y actuacion lo comparti tur loke el a desaroya durante añas di dedicacion.

Riba e anochinan aki tambe riba escenario nos por conta cu mas cantantenan cu tambe ta trahando pa tur cos ta exitoso. Zion Luidens, Ricardo Anasco y un hoben musico di exterior lo percura pa un anochi fuera di lo comun. Claro cu Freewinds band lo pone e cherry riba e top.

E hoben artista grafico Gidian Geerman (di Dynamic Talents) lo presenta su obranan den un forma original. Nos ta mira cu nos hobennan ta hopi activo pa asina stimula mas hoben pa



sigui den un bon caminda.

Premionan di e di Dos Cuartal na La Cabana Beach Resort & Casino a reconoce excelencia



DURANTE un celebracion special di lunch na La Cabana Beach Resort & Casino, miembronan di gerencia a elogia asociadonan, supervisornan y ekiponan cu a wordo nomina pa nan prestacion excepcional durante April, Mei y Juni di 2014.

E nominadonan pa e luna di April tabata e enfoke principal den e sala di conferencia y nan a wordo elogia individualmente pa nan dedicacion y lealtad na nan supervisornan directo. Esakinan a inclui ganador Nicolasa Ventura, Housekeeping; Luz A. Danje, Kitchen; Aristobulo Montoya, Recreations y Armando del Valle, Security. Pa e luna di Mei, ganador Alexandra Werleman, PBX, a disfruta di e reconocimiento pu-

blico na momento cu el a wordo yama padilanti pa asina ricibi su bunita plakkaat, rondona pa e otro nominadonan, Raymond Koolman, Recreations; Liliana Fingal, Food & Beverage; y Corazon Alincomot, Security. Pa e luna di Juni, ganador Catherine Martinez, Recreations, orguyosamente a acepta su premio mientras cu el a para hunto cu Martha Nuboer, Kitchen; Marlon Clemencia, Security y Cecilia Letang, Housekeeping pa e oportunidad pa saca portret.

E tan aprecia Lindoro Vera, Security, a wordo proclama como Supervisor di e Cuartal, elogia pa su varios iniciativanan den e areanan di seguridad y reaccion di emergencia medico, cu David de Cuba,

accounting, como e prome finalista.

E ekipo selecta pa e di dos cuartal di 2014 tabata e resort su ekipo creativo y efectivo di e Comision Social, a wordo reconoci pa excelencia, sobresaliendo riba e ekipo di 2-B Housekeeping, y e ekipo di Recreations, pa gana e top honornan di e cuartal.

Asociadonan celebrando nan di 5, 10 y 20 aniversario pa e di dos cuartal di 2014 tambe a wordo reconoci pa nan escohen- cia di carera, y esakinan a inclui Rafael Cicilia, Security, celebrando cinco aña, Adriana Tromp y Solange Estiverne, ambos di Housekeeping, celebrando diez aña, y Irene Catibayan, Bell Services,

Ingrid Croes y Felicia de la Rosa, Food & Beverage, y Frank Sabajo, Engineering, concluyendo binti aña na e resort.

Emcee di e ceremonia Pierre Kock a gradici e departamento di Food & Beverage pa nan preparacion di cuminda pa e encuentro excelente, y a anuncia cu e ganadornan di e titulo di Asociadonan di Luna y e titulo di Supervisor di e Cuartal a ricibi un plakkaat, cena pa cuater na e Islander Grill restaurant, 100 streya di premio interno y \$100.00 na placa cash, riba nan salario. Nominadonan a ricibi un Certificado di Aprecio y 25 streya di premio interno. E ekipo ganador a ricibi un bunita certificado y 50 streya di premio interno pa cada miembro di e ekipo.

Concierto dominical Donny Lacle

Dia 6 di juli ultimo hopi varia y cu tremendo ambiente

DIADOMINGO, DIA 6 di juli 2014, Fundacion pa Talento Musical "Donny Lacle" a presenta un biaha mas su Concierto Dominical den "The French Steak House" di Manchebo Beach Hotel.

E organisadornan a haya cooperacion di diferente talento musical cu a trece un programa atractivo cu a deleita tur esnan presente.

E concierto a habri cu actuacion di *Nilka Franka* un cantante profesional y conoci pa un y tur. El a canta diferente cantica hopi conoci na Spaño y na Hulandes e tophit di André Hazes cu a pone hopi mas bos resona den e restaurant di Manchebo. Cu otro palabra e publico a gosa!

Coral Choir a sigui cu su ac-



Tipico Los Amicales



Coral Choir

tuacion poniendo un ambiente dushi y suave cu cuater cantica di diferente pais, di cual dos di compositor di siglo 15 y di nos mes isla e cantica Stima Aruba. Den e parti final a toca turno na *Tipico Amicales*, consistiendo di 7 musico, bou guia di señor Maldo Marin. Como cu nan percussionista no por a presenta, a puntra si entre esnan presente por tabatin un musico cu por a reemplas'e. Inmediatamente señor Persey Jeand'or, nos conocido

Lidwina Booi tabata cla pa duna dos man pa toca e kinto. Inmediatamente nan a pone un tremendo ambiente: esnan presente cantando Lidwina Booi cantando y tocando raspa, Roberto Orman y e MC di e mainta aki Bertha Wolff compañoando e cantante cu e cancion "Flore-cilla de Amor" hunto cu Persey Jeand'or. E alegria riba cara di tur esnan presente tabata bisa nos cuanto nan a disfruta di e mainta aki. Un pabien tambe a bay pa Jeanette Boezem, e

cantante femenino di Tipico

Amicales, pa su bunita presentacion di parti di nos baluarte Lio Booi.

Cada musico of grupo a haya un certificado di aprecio y recuerdo pa nan participacion. No solamente e organisadornan, pero tambe e publico ta yama danki na e artistanan cu ta pone nan diadomingo mainta disponibel, y no solamente esey pero cargando cu instrumentnan y otro ekipo pa ofrece esnan presente un dushi mainta.

Un danki tambe ta bay na Prensa cu tur luna ta duna nos comunicado un lugha den nan corant. Diadomingo 27 di juli lo no tin concierto pa motibo di vakantie. E proximo Concierto Dominical ta planea pa diadomingo 31 di augustus 2014.



Nilka Franka

Servicio pa Comunidad



Emergencia

Brandweer:	911
Polis:	100
Polis Oranjestad:	102
Polis San Nicolas:	104
Polis Santa Cruz:	105
Polis Shaba:	107
Polis Tipline:	11141

Ambulance San Nicolas:	584-5050
Ambulance Sasaki:	582-5573
Ambulance Wayaca:	582-1234

Hospital:	527-4000
Centro Medico San Nicolas:	524-8833
SVB (AO-Ziekmelding):	527-2782

Botica na warda

Pabou di Brug: -

Pariba di Brug: -

Dokter na warda

Pabou di Brug:

Dr. -

Pariba di Brug:

Dr. Every

Servicionan

ELMAR Storingdienst:	523-7127
SETAR Storingdienst:	117
Digicel:	145
WEB Storingdienst:	525-4600
Reina Beatrix Int'l Airport:	524-2424
Serlimar:	584-5080
Arugas:	585-1198
Guarda Costa:	913

Funeraria

AD Patres:	5842299
Aurora:	5886699
The Olive Tree:	5820000

Fundacion

Rode Kruis Aruba	582-2219
FADA:	583-2999
Fundacion Respeta Mi:	582-4433
Fundacion Guia Mi:	587-1677
Muhe den Dificultad:	583-5400
Telefon pa Hubentud:	131
Centro Kibrahacha:	588-3131
Stichting Bloedbank:	587-0002
Mary Joan Foundation:	588-9999
Koningin Wilhelmina Fonds:	582-0412

Cas Editorial



The Media Group

Magrietstraat #3
Oranjestad, Aruba
Tel: 583-1400 fax: 583-1444

Orario oficina:

Dialuna pa diabierna
8am - 5pm

Cuenta di banco:
CMB #22982600

E-mail

Redaccion: noticia@awemainta.com
Aviso: aviso@awemainta.com

Abonament: Afl 25,- pa luna

Director:

Victor "Toko" Winklaar
Victor R. Winklaar

Resultadonan di seleccion di Aruba na e Festival Panamericano de Ajedrez de la Juventud (Mexico)

Aurora
Funeral Home

Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Dios ta amor y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Cu inmenso dolor y tristeza na nos curazon nos ta anuncia
fayecimento di:



Guillermo Tromp
*29-05-1938 - †22-07-2014

Ta invita pa e acto di entiero cu lo tuma lugar diaweps 31 di juli
2014 pa 4'or di atardi, saliendo for di Aurora Funeral Home pa
Santana di Paradera. E restonan mortal lo ta reposa na Aurora
Funeral Home for di 2'or di atardi.

Adres pa condolencia: Aurora Funeral Home, diaranzon 30 di juli
2014 di 7'or pa 9'or di anochi.



RECIENTEMENTE Federacion di Ajedrez Aruba (FAA) a manda 4 hungador pa participan'e XXV Festival Panamericano de Ajedrez de la Juventud cu a ser organisa di 10-17 di Julina Oaxtepec, Mexico. Un total di aproximadamente 630 hungador di 23 pais a participa. Paisnan presente tabata: Aruba, Argentina, Barbados, Brazil, Bolivia, Canada, Colombia, Cuba, Chile, Costa Rica, El Salvador, Ecuador, Guatemala, Nicaragua, Panama, Paraguay, Peru, Puerto Rico, Mexico, Republica Dominicana, Trinidad & Tobago, USA y Venezuela. N'e Festival Panamericano tin e categorianan di edad di U-8 te cu U-18, cada un cu un seccion Abierto y uno Femenino. Pa e continente Americano e Festival Panamericano ta e torneo internacional hubenil mas duro. Aruba a participa pa di 3 biahn'e Festival Panamericano (2 aña pasa na Peru y aña pasa na Brazil).

Federacion a manda Brian Diaz (12 aña: U-14 Abierto), Mark Bueno (16 aña: U-16 Abierto), Quintin van de Seip (17 aña: U-18 Abierto) y WCM Annelaine Jacobs (18 aña: U-18 Femenino). Como Hefe di Delegacion y entrenador a viaha CM drs. Raymundo Dijkhoff.

E metanan di FAA su participacion tabata diverso. Tur biahn ora Aruba participana un torneo internacional, FAA kier mehora e scorenan anterior. Ta di tres biahn cu FAA ta participa na un Festival Panamericano, unda cu 2 aña pasa e 2 hungadornan den e categoria di U-16 a score 3 punto di 9 wega, mientras cu aña pasa FAA a manda

3 hungador (den U-12, U-16 y U-18) unda tur tres a score 3,5 di 9. E aña aki nos kier a score por lo menos 4 di 9 pa cada hungador, trata di yega den e top 25 y alabes en grande ce experiencia. Tur esaki den cuadro di desaroyo y alabes esaki tabata e ultimo torneo internacional prome cu seleccion di Aruba viaha pa Olimpiada Mundial na Tromso, Noruega, fin di luna aki (Mark, Quintin y Annelaineta forma parti di e seleccionnan masculino y femenino Olimpico di Aruba).

Brian (U-14 Abierto starting rank: 30), cu a participa pa di 2 biahn'e Festival Panamericano, a score 4 di 9 y a termina na di 51 luga di 78 participante procedente di 16 pais. Un total di 6 hungador tabatin titulo. Brian tabatin 3 gana, 2 empata y 4 perdi.

Mark (U-16 Abierto starting rank 31), cu pa prome biahn a participa n'e Festival Panamericano, a score 4,5 di 9 y a termina na di 45 luga di 75 participante procedente di 15 pais. Un total di 4 hungador tabatin titulo. Mark tabatin 3 gana, 3 empata y 3 perdi.

Quintin (U-18 Abierto: starting rank 32), cu pa di 2 biahn a participan'e Festival Panamericano, a score 4 di 9 y a termina na di 35 luga di 54 participante. Un total di 9 hungador tabatin titulo y Quintin a hunga contra 5 di nan (4 FM y 1 CM)! Quintin tabatin 3 gana, 2 empata y 4 perdi.

Annelaine (U-18 Femenino: starting rank 29), cu a participa pa prome biahn n'e Festival Panamericano, a score 5 di 9 y a termina na di 23 luga di

49 hungador procedente di 12 pais. Un total di 16 hungador tabatin titulo! Annelaine tabatin 3 gana, 4 empata y 2 perdi.

Como pais Aruba a score casi 50%: 17,5 punto di 36 wega. Esaki kieren cu nos a mehora atrobe nos scorenan individual y di ekipo compara cu e añaan anterior. Tabata hopi dificil pa termina den e prome 25 hungadornan den cada seccion y categoria di edad: WCM Annelaine Jacobs so a logra esaki y alabes ta e prome hungador femenino di Aruba cu ta score 5 punto den un Panamericano. Tur e hungadornan e crece enormemente durante e torneo y mirando e Olimpiada Mundial cu ta cuminsa fin di luna, pero tambe e Campeonato Centro-Americano y Del Caribe cu lo ser hunga na Colombia na Oktober, FAA ta spera cu e hungadornan lo piek n'e torneonan aki, cual ta parti di e plan.

Di akinan FAA tambe kier a felicita FM Juan Pablo de Mey (19 aña) cu a termina na di 2 luga den Abierto na e Curaçao Chess Festival cu tambe a ser hunga siman pasa, y Daniel Diaz (17 aña), cu a termina na prome luga den U-18 Abierto. Pa FM Juan Pablo tabata e ultimo torneo internacional prome cu e viahe pa Noruega.

Federacion di Ajedrez Aruba ta hopi satisfecho di por a dal un stap mas atrobe riba e nivel internacional y kier a gradici Comision di Subsidio inmensamente pa e ayudo financiero y ta spera di sigui conta cu nan sosten pa hunto sigui traha riba e desaroyo di ajedrez na Aruba, especialmente di nos hubentud.


Resultado di Loteria

CATÓCHI 2:30 9:00 2749 0791 2905 6708 1632 9117		ZODIAC 2:30 9:00 2834 Aquario 7696 Sagitario	
LOTTO DI DIA 16-02-04-28-27		BIG 4 2:30 9:00 9387 XXXX	
DIARIO 8417 6636 8243	SUPER FOUR 5669		

Haya bo corant tur dia den bo inbox

Registra Awo na

noticia@awemainta.com



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

Señor ta mi Wardador, pues mi'n tin falta di nada.
Den cunucu di yerba E ta pone mi sosega.
E ta hiba mi na awa trankil pa mi bolbe haya forza
Salmo 23

Cu honda pena pero conforme cu boluntad di Dios
Nos ta anuncia fayesimento di mi esposo, nos tata y welo



Johannes Isidro Kamperveen

Mihor conoci como "Johnny"
Ex-empleado di WEB
*15 mei 1946 - 23 juli 2014

Na number di su:

Esposa: Aura Kamperveen-Wernet
Yiunan: Rodney Kamperveen
Raymond y Suyienne Kamperveen y yiunan
Joanne y Geoffrey Angela- Kamperveen y yiunan

Nietonan: Jorienne, Ellan, Georvin y Amelia

Rumannan: Frans Kamperveen y yiunan
Alex y Thonia Kamperveen y yiunan
Tony y Celsa Kamperveen y yiunan
Robby Kamperveen
Neta y Pascual Itrausquin-Kamperveen
Gladys y Rodney de Palm-Kamperveen
Leo Kamperveen y yiunan y Joke
Cerilio y Maria Kamperveen y yiunan
Hubert y Janneke Kamperveen y yiunan
Maikey Kamperveen
Agnes Kamperveen y yiunan

Swa y cuñanan: Frans y Chimina Wernet y familia
Scolly y Benny Vingal y familia
Rosa y Panchito Geerman y familia
Angelita y Efraim Croes
Candido (Do), Foyen Wernet y familia
Ady y Carlos Noguera y familia
Mario, Lidia Wernet y familia
Sita y Roberto Maduro y familia
Maria y John Rasmijn y yiu
Rochi y Miriam Wernet y familia
Ronny y Tica Wernet
Roberto y Tarcila Wernet y familia
Benny y Viola Wernet y familia

Tante:

Annie Kamperveen

Primo y primanan, sobrino y sobrinanan, comer y compernan,
ihanan, bisiñanan, ex- coleganan di WEB, Sportvereniging Web y
sindicato SIWA, Comishon Recaudashon di Fondo Misa Cristo
Rey, amigo y amiganan y demas famianan.

Ta invita tur familia, amigo y conocirnan pa asisti na e acto di
entierro, cual lo tuma lugar diamars 29 di juli 2014, saliendo for
di Misa Cristo Rey na Brazil pa Santana central na Sabana
Basora. E restonan mortal lo ta reposa for di 2'or di merdia den
Misa Cristo Rey.

Adres pa condelencia: Aurora Funeral Home, dialuna 28 di juli
2014 di 7'or pa 9'or di anochi.

Si den nos tristesa nos por a lubida un of otro persona, nos ta
pidi nos disculpa.



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Laga tur locual, cu ta sperami ta bunita,
Laga tur locual, cu mi encontra na caminda ta bunita,
Laga tur locual, cu ta rondonami ta bunita,
Laga tur locual mi laga atras keda bunita,
Y laga esakinan termina den tur bunita."

A fayece cristianamente mi Casa,
nos Tata, Welo, Ruman y Omo stima

Mario Francisco Tromp



Mihor conoci como
"Maiky, Mayon of Chino"
* 22-07-1953 - † 23-07-2014

Su Tata: † Benjamin "Chamy" Tromp

Su Mama: † Maria Semerel-Tromp

Su esposa: Tina Tromp- van der Biezen

Yiunan: Maurin y Mark Le Grand- Valdink
Kendrick Tromp y Roshandra Maduro
Kimberly

Nieto/nietanan: Q-Shawn, Shaqon, Shakeem Le Grand
Kenuard, Kenshailly, Kendall Tromp
Anshuska Lampe

Rumannan: Sylvester "Chamito" y
Leen Tromp-Luidens y yiunan
Sra. Vda. Rosalinda "Rosa" Helder-Tromp y yiunan
† Bernardo "Ben" y Mimi Tromp-Tromp y yiunan
Jesusita "Chita" Tromp na Hulanda
Hose "Djo" y Rose Tromp-Nisbet
Filomena "Mena" Tromp y yiunan
Sra. Vda. Beatrix (Truus) Geo- Tromp yiunan
Lidia y Bert Radings-Tromp y yiunan na Hulanda
Mercedes y Naguib Elhage- Tromp y yiu
Ovito "Ovi" Tromp
Magda Tromp y yiunan

Swa y Cuñanan: Rita y Luis Winterdaal y yiunan
Maria v/d Biezen y yiu
Cerilo v/d Biezen y Lily y yiunan
Angelo y Sioly Croes y yiunan na Curacao
Azusena v/d Biezen y yiunan
† Deto y Alixon v/d Biezen y yiunan
Tino y Claudia v/d Biezen y yiunan

Sobrino y sobrinanan na Aruba y Hulanda,
Primo y Primanan na Aruba y Hulanda,
Ihanan, Comer y Compeman.

Sra. Vda. Juanita Pimentel

Tantan: Juana y Chemy Semeleer -Semerel y familia
Chita y Clement de Cock- Semerel y familia na Hulanda
Mihor amigo/amiganan di cas: Juan Semerel, Felix de Cuba, Cali
Geo (Hulanda), Elvia Tromp, Vincent James (Curacao), Eufemia,
Ana Milena Munoz, Guido de Cuba

Famianan: Tromp, v/d Biezen, Valdink, Le Grand, Lampe, Maduro,
Guerrero Ramirez, Luidens, Helder, Nisbet, Geo, Radings, Elhage,
Perigault Monte, Hayer, Semerel, Semeleer, Figaroa, Petrochi,
Dijkhoff, Heide, Kelkboom, Jacobs, Winterdaal, Lopez-Barona,
Rosina, Abma, Croes, Farro

Su Colegannan di Tony's Romas
Ex Colleganan di Concord Hotel

Nos kier a pidi nos disculpa si nos por a lubida un of otro
Familia den nos tristesa.

Acto di entierro lo wordu anuncia despues.

Lo bay tin un box disponibel pa donacion na Wilhelmina
Kankerfonds Aruba



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

CERCA SEÑOR MI TA NA PAS MANERA UN YIU CERCA SU MAMA
Salmo 131

Cu inmenso tristesa nos ta anuncia
fayecimento cristianamente di:



Sr Eloy Enrique Lopez

Na nomber di su:

Mayornan: †Sr. Juan Lopez y
†sra. Rosa De Lima Lopez-Franken

Compañera: Nelly Sinisterra

Yiunan: Sandro Lopez y familia
Naila Caro y familia na Hulanda
Jacqueline Lopez

Nietonan: Naomi Lopez
Shawn Lopez
Randley Caro
Naygel Caro
Shadee Caro

Rumanan: †Hose Lopez y Dulce y familia
†Jendi Lopez y familia
Rosa Maria y †Jozef Tromp y familia
Teresita Lopez y familia
Juancito Lopez y Helen y familia na Hulanda
†Juanita y Freddy Schoop y familia
Arinda Lopez y familia

Ex Esposanan: Mirna Holsman y †Solange Augustin

Mama di su jui: Irena Solognier

Famianan: Lopez, Franken, Sinisterra, Caro, Tromp, Schoop,
Robert, Desbarida, Wanga y Christaans

Tanta y omonan, swa y cuñanan, sobrina y sobrinonan, prima y
primonan, comer y compernan, ihanan, amigo y amiguanan,
bisiñanan, compañero y trahadornan di paviljoen y demas familia
y conocirnan na Aruba, Hulanda y Venezuela.

Acto di entierro ta tuma lugar diasabra 26 di Juli 2014
E restonan mortal lo ta reposa for di 2or te cu 3.30 atardi na
Aurora Funeral Home & Crematory. Despues ta hiba nos defunto
stima na su ultimo lugar di sosiego na Santana Central na
Sabana Basora.

Nos ta lamenta cu despues di entierro nos no por ricibi bishita di
condolencia na cas.

Invitacion pa aparicion di Mama Maria na Koyari

Diabierna awor 25 di juli 2014



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Laga tur locual ta sperami ta bunita.
Laga tur cu mi encontra na caminda ta bunita.
Laga tur locual cu ta rondonami ta bunita.
Laga tur locual mi ta laga 'tras, keda bunita y laga esakinan
termina den tur buniteza".
Cado Wever

Cu inmenso dolor y tristeza na nos curazon nos ta anuncia
fayecimento di:



Clara Filé-Orman

*17-04-1938 - †21-07-2014

Na nomber di su

Jiu: Eric & omaira Filé-Gonzalez

Jiunan di criansa: Astrid & Francis Webb-Hayer
Ancermo & Soledad Orman-Reales Acosta
Challier Brooks & pareja Alana v/d Paul

Niëtonan stima: Keyshawn Filé
Darshawn Filé
Kevin Orman
Cranston Brooks
Challier Brooks
Chalvin Brooks

Niëta Stima: Tshawnee Filé

Ruman: Supriana Orman & familia

Tur su subrino y subrinanan, primo y primanan, bisinja y
conocirnan

Su ayudante amiga: Marlene Busse-Vilt

Demas familia: Filé, Orman, Gonzalez, Hayer, Webb, Reales
Acosta, Brooks, Martes, Maduro, Solognier, Dijkhoff, Henriuez,
Toppenberg, Tromp, Kock, Giel, Chundro, Hoek, Marquez y
demas familia na Corsow & Hulanda.

Ta invita pa e acto di entierro cu lo tuma lugar diasabra 26 di juli
2014 pa 4'or di atardi, saliendo for di Aurora Funeral Home pa
Santana di Paradera. E restonan mortal lo ta reposa na Aurora
Funeral Home for di 2'or di atardi.

Adres pa condolencia: Aurora Funeral Home, diabierna 25 di juli
2014 di 7'or pa 9'or di anochi.

GRUPO di oracion

Catolico, "The Voice of Jesus"
ta haci un

invitacion na henter pueblo
di Aruba, pa asisti diabierna
awor dia

25 di Juli 2014 na e Aparicion
di Mama Maria, La Birgen di
Gracia di Aruba, riba e tereno
bendiciona na Koyari, adres
Koyari 13-B.

Pa 7.00 di anochi ta cuminsa
cu e introduccion y pa 8.00 ta
cuminsa resa e oracion di Santo
Rosario y durante e oracion,
Mama Maria ta aparece pa duna
tur esnan presente Su bendicion
y Su gracionan y pa nos por
scucha Su mensahenan divino.
Laga nos tur bini hunto pa
gradici Mama Maria pa Su pres-
encia y Su amor, cu e aña aki ta
bay haci 16 aña, cu nos Santa
Mama di Dios ta bishita nos isla
di Aruba. Tambe Mama Maria
ta pidi pa tur hende por trece
mas tanto persona cu ta posibel,
specialmente enfermonan.
P'esey laga nos tur bini hunto
pa duna Mama Maria, e amor y
e aprecio cu E merece.



RECORDATORIO: contribucion na e "Natuur en Milieubeleidsnota 2014-2018" pa Aruba

DURANTE presentacion di Directie Natuur en Milieu ariba dia Internacional di Medio Ambiente, participantenan a ricibi diferente metodo pa duna nan contribucion den formulacion di e concepto di e "Maneho di Naturalesa y Medio Ambiente 2014-2018".

DNM kier a manda un recordatorio na tur e invitadonan y participantenan pa e "inspraak ronde" di e documento Natuur en Milieubeleidsnota 2014-2018 cu a wordo presenta. Ta pidi tur hende pa haci uzo di e oportunidad aki. E documento ta disponibel ariba nos website www.dnmaruba.org te cu dia

25 di juli 2014 pa 4 pm di atardi. Pa por haya e documento pa wak of download mester click ariba e boton "Registreer nu!". Registra y ricibi un contesta asina bo por drenta e seccion di edocumento, pa asina duna bo contribucion. Por manda e-mail na info@dnmaruba.org

Na esnan cu a haci uzo di e oportunidad aki un *Danki un bes mas pa bo contribucion*. Por bishita e website pa wak e relatonan di prensa y otro resumennan documenta. E number di telefon di Directie Natuur en Milieu ta 584-1199 y ta disponibel pa tur hende yama pidi informacion.



Pelicula local 'Abo So' galardona como miho pelicula durante festival di cine di Belize

E pelicula Arubiano cu a sa di captiva e publico local, awor ta konkistando e publico internacional.

'Abo So' un pelicula rico na cultura y entretenimento a representa Aruba un biaha mas na un festival internacional, hibando Aruba su cultura, paisahenan y hendenan caluroso riba e dukinan blanco internacional. Diadomingo cu a pasa 'Abo So' a ricibi e premio di miho pelicula largo narativo na e festival internacional di cine di Belize. E

cineasta di Bahamas Kareem Mortimer a ricibi e premio den nomber di e director Juan Francisco Pardo.

Esaki ta e di dos premio cu e pelicula ta ricibi, su prome tabata na e festival di cine di Aruba. Tambe 'Abo So' ta e prome pelicula narativo di Aruba cu a wordo nomina pa e 'Yellow Robin Awards' di 'Curaçao International Film Festival Rotterdam'.

Desde su primicia na juli 2013

te ainda 'Abo So' ta causando exito, e ta e prome pelicula Arubiano cu a ricibi un 'theatrical release' y tabata 'sold out' 16 biaha. Recientemente 'Abo So' a wordo presenta na e publico mericano durante e festival di cine 'DC Caribbean Film Festival'. E siguiente festival cine cu

'Abo So' lo representa Aruba ta na Italia 'Ariano International Film Festival'.

'Abo So' ta un produccion di Fundacion AVI www.audiovisualinstitute.com y di Rebecca Roos Productions N.V. cu Juan Francisco Pardo y Rebecca Roos

como productor. E pelicula a conta cu steun financiero di Prins Bernhard Cultuurfonds Caribisch Gebied, Unoca, Subway y VNO. 'Abo So' tabata posibel danki na e esfuerso di un grupo di hobennan y adultonan pasiona cu a traha duro pa haci e pelicula aki realidad.

